



सानसेयारि 'बड'सा' खीरालाइयाव
अमाज्यारि जिउजो लोब्बा थानाय रायथाय, अनथाय,
अल', अल'बाथा आरो हावबायारि थावनि, पार्क
बाइदिनि सायाव लिहनाय लिहबिबां हैथाय ठर!
सानसेयारि 'बड'सा' खीरालाइया सेबब्रानावै
फोसावगोन!

बड'सायाव लिहनायनि हुबा अलाम,
'बड'सा' खी नोथा, जो बयबो आंगो अलाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 23 December, 2024 Kokrajhar, BTC, Assam ★ Vol.-33, Issue No. 266 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

बड'फा उपेन्द्रनाथ ब्रह्म सुबुंथिनि फाइखि बान्था-2024 खौ नेपाल हादतनि पद्मश्री अनुराधा कइरालानो गथायबाय

बड'फानि सानस्त्रि आरो बर' हारिखौ आदर्शयै बहुमआव
सिनायथि होनायानो बे बान्थाखौ होनायनि गुबै थांखि: दिपेन बर'

कक्राझार, 22 डिसेम्बर:
बड'फा उपेन्द्रनाथ ब्रह्मनि
सानस्त्रि आरो सान्थौखौ दुलाराय
हादतजो लोगोसे बुहुमनाडै
गोसार होनायनि थांखिजो
उपेन्द्रनाथ ब्रह्म फोथाइ फुन्जिआ
थानाय 2004 माइथायनिफ्रायनो
बोसोरफ्रोमबो उपेन्द्रनाथ ब्रह्म
सुबुंथिनि फायखि बान्थाखौ
हादतनि गुबुन गुबुन राइज्योनि
गेदेमा सुबुंफोरनो होबोदो।



बेबायदिनो देरलायबो दुलाराय
बर' फरायसा आफाद आरो
इएनबि ट्रास्टआ बे बोसोरनि
बड'फा उपेन्द्रनाथ ब्रह्म सुबुंथिनि
फायखि बान्थाखौ नेपाल
हादतनि थागिबि पद्मश्री अनुराधा
कइरालानो होनाय जादो।
दुलाराय बर' फरायसा आफाद
आरो इएनबि ट्रास्टनि जुथायै
बान्जायनायाव दिने कक्राझारनि
(□ 6 बिलाइआव)

जौगालुनि 12 सान हाबाफारियाव गिबि मन्थि

सोलिफु राइज्यो सरकारनि आमोलाव लखिमपुर आरो
धेमाजिया जौगाखां जिल्ला गनाय जादो: गिबि मन्थि



दिसपुर, 22 डिसेम्बर: राइज्योनि
फारफ्रोम बिथिडव सरसन्त्रा
जौगाखानाय लाबोनाय आरो
अन्सायनारनि थांखियै थानाय
11 डिसेम्बरनिफ्राय जागायनाय

'जौगालुनि 12 सान' मुडै
जागायनारनि बाहागो महरै गिबि
मन्थि छु हिमन्त बिश्व शर्माआ
दिने लखिमपुर आरो धेमाजि
जिल्ला दावबायनानै जिल्ला

दरनैनि गोबांथार जौगालु
बिथांखि आरो लुफुनाय
खामानिफोरखौ बेखेवनानै
होयो। बिथाडा लखिमपुरनि
चुकुलिभरियाआव आसाम
माइक्राफाइनेस थुलुंगा आरो रेहाय
बिथांखि 2021 नि सिडव
थामथि थाखोनि दाहार गोनां
मुलाम्फायारिनो नैथि खोलोबनि
होनो गैयै (न' डिउज)
फोरमान लाइ, अलखदयाव
खहा जानाय नख'रनो थौजोडै
रांखान्थियारि अन्सुथाय मदत
गथायनाय आरो 'गाहाइ मन्थि
फिसा आदार सोदानाय उद्यगनि
(□ 6 बिलाइआव)

साहित्य अकादेमी आरो दतमा थुनलाइ गाथोन हान्जानि बान्जायनायाव 'ग्रामालक' हाबाफारि खुंदो



कक्राझार, 22 डिसेम्बर: साहित्य अकादेमी आरो दतमा
थुनलाइ गाथोन हान्जानि बान्जायनायाव 'ग्रामालक'
हाबाफारिखौ दिने कक्राझार जिल्लानि सिडव
थानाय मेहेर गोनाडै दतमा ब्लकनि
कमिउनिटि हलआव खुंफुनाय जायो।
बे हाबाफारियाव गाहाइ
आलासि महरै बाहागो लादोमोन
(□ 6 बिलाइआव)

चिरां जिल्लाआ आध्यात्मिकनि मोनसे थावनि, बेखौ पिकनिक स्पटफोर खुलिनानै फोजोबस्रानो नाडा: अबित नार्जारि

काजलगाव, 22 डिसेम्बर:
काजलगाव दख'रा दुलाराय बर'
फरायसा आफादनि खुंगा 20थि
बोसोरसालिया जथुम्मा आरो
उजान बाजार दालाइसा एबसुनि
23थि बोसोरसालिया जथुम्मा
21 आरो 22 डिसेम्बर, 2024
खालाराव साननैनि मेहेरगोनां
हाबाफारिजो बिरांगो गोजौ
फरायसालियाव खुंफुनाय। दिने
जोबथा साननि हाबाफारि
बायदियै फु'बिलि समाव
आफादनि गोथार फिरफिला
बिरहोनाय, बड'फा उपेन्द्र नाथ
ब्रह्मनि मुसुखायाव बिबार
बाउनाय मुख्णफोरनो मान



बाउनाय बायदि हाबाफारिआ
जोबनायनि उनाव सानजौफु
समाव दख'रा एबसुनि
आफादगिरि फाकन ब्रह्मआ
मासि लानानै दैदेनाय गेवलां
मेलखौ बेखेवनानै होयो चिरां
जिल्ला एबसुनि आफादगिरि
दिलिप कु. बसुमतारिआ।

चिरां जिल्लायावबो मुलाम्फागिरिफोरनो गोदान रेसन कार्ड रान्दो

बिजनी, 22 डिसेम्बर: चिरां
जिल्लायावबो गोदान रेसन
कार्डनि नैथि खोन्दोआ
मावख'आरि महरै रबिबारखालि
काजलगाव पेरेड ग्राउन्ड आरो
बिजनी लक्ष्मी मन्दिरनि
लांगोनायाव जाफु'सारे
खुंफुजायो। चिरां जिल्लायाव
चिदली बिधान सभा बियाब
आरो बिजनी बिधान सभा



बियाबआव आलादा-आलादायै
खुनाय हाबाफारियाव गोदान
मुलाम्फागिरिफोरनो रेसन कार्ड
(□ 6 बिलाइआव)

कक्राझारआव मुलाम्फागिरिफोरनो गोदान रेसन कार्ड रान्दो

कक्राझार, 22 डिसेम्बर:
दुलाराय आसामनाडै दाब-दाब
जिल्लाफोराव दिने नेसनेल फुड
सिक्क्युरिटी एक्ट
(एनएफएसए) बिथांखिनि
गेजेरजो मुलाम्फागिरिफोरनो
गोदान रेसन कार्ड रान्नाय
हाबाफारि खुनाय बायदिनो
कक्राझार जिल्लानि सिडव



थानाय मागुरमारि दुर्गा मन्दिर
फोथारावबो मोनसे हाबाफारि
खुनायनि गेजेरजो
मुलाम्फागिरिनो गोदान रेसन

कार्डखौ रान्नाहोदो। दिनेनि
बे हाबाफारियाव 3नं कक्राझार
बिधान सभा बियाब आरो 4 नं
बावखुं'गि बिधान सभा
बियाबनि मुलाम्फागिरिफोरनो
गोदान रेसन कार्डखौ रान्नाहो
होनाय जादो। बेबायदिनो 2 नं
दतमा बिधान सभा
बियाबआवबो बे एखे
हाबाफारिखौ खुनाय जादो,
(□ 6 बिलाइआव)

'जाफा एचिभास बान्था-2024' नि बान्था गथायनाय फोर्बोआ जाफु'सारे खुंजादो

गुवाहाटी, 22 डिसेम्बर:
जार्नालिस्ट एस'सिएशन फर
आसाम (जाफा) आ
बोसोर फ्रोमबो राइज्योनि
खौरांगिरिफोरजो लोगोसे
(□ 6 बिलाइआव)

पर्वतझार, 22 डिसेम्बर:
कक्राझार जिल्ला पर्वतझार
महकुमानि सिडव थानाय
बासबारि दख'रा दुलाराय बर'
फरायसा आफादनि खुंगा 16थि
बोसोरसालिया जथुम्माखौ
बासबारि गोजौसिन
फरायसालिनि गेवलां गेलेग्रा
(□ 6 बिलाइआव)




बर' थुनलाइ आफादनि सालबारि जिल्ला आरो गबर्धना गुदि आफादनि जथुम्मा

महिमा बसुमतारिनो थुनलाइयारि बान्था आरो प्रकाश बर'नो सोल्लोथाय बान्था गथायदो

भबानिपुरनिफ्राय राजिव तालुकदार, 22
डिसेम्बर: बाक्स जिल्लानि सालबारि बापुजो
गोजौ फरायसालिनि गेवलां फोथाराव साननैनि
हाबाफारिजो खुनाय सालबारि जिल्ला बर'
थुनलाइ आफादनि गा 19 थि बोसोरसालिया
जथुम्मा आरो गबर्धना गुदि थुनलाइ आफादनि
गा 20 थि जथुम्माया गाजा-गोमजायै दिने
खुंजालाडो। सालबारि जिल्ला बर' थुनलाइ
आफादनि आफादगिरि डम्बरुधर बसुमतारिनि



फिरफिला बिरहोनायजो हाबाफारिखौ
जागायो। बेनि उनाव गोसोखांथि खाम्फा आरो
मुख्ण खाम्फायाव मान बाउनाय जायो।
हाबाफारि बायदियै जाफु'सारे फरायसाफोरखौ मान
बाउनाय जायो। सोलिफु 2024 माइथायनि
मेट्रिक आन्जाद आरो गोजौसिन गेजेरारि
आन्जादयाव सालबारि महकुमानि सिडव
जाफु'सारे महरै मोन जि जायगा आवग्रिनो
हानाय (□ 6 बिलाइआव)



आसाम सरकार

फोसावथाइ

आसाम सरकारनि रोखाथि

अरुनदय 3.0 बिथांखिनि थाखाय इनकाम सार्टिफिकेटनि गोनांथि गैया

आसाम सरकारनि रांखान्थि विफानआ अरुनदय 3.0 बिथांखिनि सिडव मुलाम्फानि
फोरमानलाइ नांगोनि फार्से जिंगा सिनायजो बे फोरमायथिखौ फोसावनाय जादो।

बेव बुंथिनाय जादोदि, नंगुबै रेसन कार्ड गोनां सुबुं आरो नख'रफोरा अरुनदय
3.0 बिथांखिनि सिडव रांखान्थिआरि मुलाम्फा मोन्नो थाखाय गामिनि गाहाइ,
मौजादार एवा जायखि-जाया खुंथाइनिफ्राय मुलाम्फानि फोरमानलाइ होनांगोनि
गोनांथि गैया। बेनिखायनो आर'ज गाबगिरिफोरखौ सांग्रां जानो बोसोनो होनाय
जायो आरो नखाय फोरमायथिनि थाखाय मुलाम्फानि फोरमानलाइफोरखौ नांगोनि
थुलुंगा होग्रा माखासे सुबुं एवा हान्जाफोरनि गाजि थांखिफोरनि बोलि जानोनाडा।

जुदि जायखि-जाया सुबुं एवा हान्जाआ बे आयदानि बेलायाव मुलाम्फानि फोरमान
बिलाइ जगायनानै सुबुंफोरखौ गोरोन्थि लामा दिन्थिदोब्ला बिसोरनि हेंथायै गोखो
आइनि राहा लानाय जागोन। बे आयदानि बेलायाव अजद होनायफोरखौ मौजाडै
नायबिजिरनाय जागोन आरो दायनिगिरि हमजानाय सुबुंफोरनि बेरेखायै जिल्ला
खुंथाइनि बिबानगिरिफोरा सरकारनि विथोन बायदियै गोखो राहा लानाय जागोन।

अरुनदय 3.0 बिथांखिनि थांखिया आसामआव रांखान्थिआरि लोरबां नख'रफोरनो
दानफ्रोमबो 1,250 रांनि रांखान्थिआरि हेफाजाव जगायनाय। सरकारआ बे गोनांथार
जौगालु हाबाफारिखौ मावफुनायाव थार आरो रोखा खालामनाय गावनि रादायआव
दिदोमै दड।

फोरमाइथाय आरो सुबुं फोनांजाव बिथोनिगिरि मावख', आसामजो
आसाम वार्ता साब्सक्राइब खालामनो थाखाय 7636834943 आव 'Assam' लिरनानै हवात्सएफ खालाम

Connect with us @diprassam dipr.assam.gov.in

सुजुगिरिनि खोलोम

औवा आबाद आरो बर' हारिमु

बर'याव फंसे राव दड- उन्दैयाव सि गानो, देरोब्ला लंथं जायो-। औवा। बर'नि जिउ खुंनायाव एंगारजायै मुवानि गेजेराव औवानि बिहोमाया बयनिबो गोजौसिनाव। बेखायनो बुंनोबो हागौ बर'फोरनाव औवानि हारिमुवा एग्रे-बेग्रे। बाथौ थानसालि दुमनायनिफ्राय लानानै ओंखि जानाय मेवाइ, न'बां लुनाय जेरावबो औवा नडाब्लानो राहा गैया, औवा गैयाब्लानो बर'नि राइजो जानांगौया आस'खान्दा।

ना सानो सेन, खखा, थर्खा, सेन्त्राय, जेखाइ, खबाइ, बोरसि दान्दा; मैहुरनि थाखाय जं-बौला, सिबनो-सालिनो थाखाय संग्राइ, सान्दांगा, सान्द्रि, लामनाय-बिरनाय-बान्नायनि थाखाय दाहा, हुखेन, बावखा, बाथि, हासिनि, संनाय-एरनाय खुरन्नायनि थाखाय बन, खादौ, सागं, दानाय-लुनायनि सोरखि, दाडानाथा, बौदांगि, गनसि, सेवारि, खादिनि, खुन्थिया, रासो, न'बां लुनायनि खुन्थिया, फेराइ, थेवयोल, खाथिमाल, रोजाबनाय मोसानायनि थाखाय हाखाउ, सिफुं, बिडि-जेरावबो जैरेबो औवानि गोनांथि दं बर'नि राइजो जानायाव। बेनि अनगायैबो नाफाम हासुं, नो हासुं, लावथि, दान्दा, थखन, लोरगि, जान्था, लावथाय, खादा, आबै दांगि, जेवरा, जांख्ला, मै-जुंगाल-दांगुर, बैसां जेरावबो औवानि गोनां जायो।

गथ' जोनोमनि उनाव उथुमाय हास'नाय खाथिनिफ्राय गोथै बानगारनाय समसिम औवा नडाब्लानो बर'नि हारिमुया आबुं महर नुजाया।

औवानि बेफोर गुन आरो गोनांथिखौ नानानै आथिकालाव औवानि आबाद खालामनो जोथोन लानांसिगौ। औवानि बेसेन बारायग्लाबनो लानायाव बारिनि औवा सुबाखौ दानग्लुंनानै लांदां खालामनो लानायाव जौनि ओन्सोलनि गामिफ्रा औवा बारिजौं ग्रोम ग्रोममोनब्लाबो आंखाल नुजाहांबाय। बेखायनो औवानि गोनांथिया बर' हारिमुयाव गोनांथार नोजोरै आरो फालांगियारि बिथिडै औवानि आबाद खालामनाय आरो थाखानाय बारिखौ जोथोन लानांगौनि सम सौफैबाय। दासान्द्रि जौगा जोलैनि औवा जोलै लाबोनानै सरकार बिथिनिफ्राय औवा बागान खालामनायनि थुलुंगाबो होदौं औवानि गोनांथिखौ नायनानै।

बेराफार्से इयुन जोलैनो बर'नि औवा हारिमु आरो राइजो जानायनि आदोब आखुनि रेसखौ गालांनो बर'साफोर बाहायग्रा औवानि आइजे-आइला हेबनाय-दानायनि ट्रेडिनि सेन्टार गायसन्नायनि गोनांथि दंसे।

दिनैनि फान्जामुथि

राशि बाइदियै मुनि गिबि हांखो
 मेघ : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ष (ण ष)
 तुला : त र वृश्चिक : ब न धनु : ध भ (ङ फ)
 मकर : ख ज कुम्भ : ग श (स) मीन : द च (ख ज झ)

- मेघ:** नाजाथावनानै मावनाय गोसोनि हास्थायनायखौ मोन्नो हागोन। मोजां सान। गोजोन मोनगोन।
- बुध:** फालांगिरि मावग्रानि थाखाय गहाम सान। जेरि मावा मुलाम्फा मोनगोन। मोजां सान।
- मिथुन:** मावबाय थानाय खामानियाव मुलाम्फा आरजिनो हागोन। सरकारि साखिया जौगानो हागौ।
- कर्कट:** माबा मोनसे मुवा-बेसाद ख'हा जानो हागौ। गोसोखौ सांथि मोन्नाय नडा।
- सिंह:** बवेबा गोजान जायगायाव दावबाय हैनो मोन्नो हागौ। गोसोखौ हमथानानै सोलिनांगोन।
- कन्या:** खामानि मावनायाव मुखुब जानानै थानानो हागौ। गोसो हमथानानै सोलिनांगोन।
- तुला:** जेब्लायबो धैज्य गैयै जालानो हागौ। जेरिखियानो जाया सान्नाया जाफुंनय नडा।
- वृश्चिक:** जेथिबो गोहो-बोलोखौ मोन्नो हागोन। गोजोनै सम बारहोनो हागोन।
- धनु:** मोजां रौंग'थि जानो हानानै मान बाउजानो मोनगोन। गोजोन मोनगोन मोजां सान।
- मकर:** माबाफोर जेना-जेंसिआव गोलैबायनो हागौ। गोसो हमथानानै सोलिनांगोन।
- कुम्भ:** माखौबा लानानै जिंगा सिनांनो हागौ। गोजोन्नायखौ मोन्नाय नडा। गोसोखौ हमथा।
- मीन:** गोसोआव मोजां सान्नाय-हनायफोरो सोमजिगोन। फारफोमथिनिफ्रायबो मोजां।

अमित शाहआ त्रिपुरायाव 668.39 कौटि रांनि जौगाखां बिथांखिफोरखौ जागायो

आगरतला, 22 डिसेम्बर: मिरुआरि नख'र मन्थि अमित शाहआ रंबिबारखालि त्रिपुरानि थलाइ जिल्लानि कुलइ आरएफ गामिनि फोथायव 668.39 कौटि रांनि मोन 6 गिदिर जौगाखां बिथांखिफोरखौ बेखेवयो आरो मोन 7 गोदान बिथांखिफोरनि अन्थाइ खाम्फा गायसनो। बे हाबाफारियाव त्रिपुरानि गिबि मन्थि माणिक साहाआबो बाहागो लायो, जाय गाहाइ आलासि महैर नुजाथियो। जाय मोन 6 बिथांखिफोरनि अन्थाइ खाम्फा गायसनो, बेयाव थलाइ जिल्लानि ब्रुहापायाव 1.56



कौटि रांनि बेसेनजौं बानायनाय मोनसे सिनियर बेसिक स्कुल, बे जिल्लायावबो 35 लाख रांनि

सुबुंफोरखौ जरजुलुमै लांखारनायाव भारतनि आखाइ दडः बांलादेश



ढाका, 22 डिसेम्बर: बांलादेशआव महम्मद युनुसनि दैदेनाय एन्टेरिम सरकारआ आरो मोनसे दाय जाबसिनबावदौं। एन्टेरिम सरकारनि फार्सेनिफ्राय दानाय मोनसे नायबिजिरग्रा आयगआ दाय जाबसिन्दौं, बै समनि गाहाइ मन्थि शेख हासिनानि खुंथायनि समाव सुबुंफोरखौ जरजुलुमै लांखारनाय जाथायफोरनि आन्दोआव भारतनि आखाइ दडः सरकारि खौरां एजेन्सि बांलादेश संवाद फसंथानआ लांखारनायनि सायाव बुंदौंदि, सुबुंफोरखौ लांखारनायाव भारतनि लोब्बा थानाया राइज्योयारि रेकर्डनि केस। सुप्रिम कर्टनि आजिरा

बाइजोआव। आयगआ बुंदौंदि, बिसोर भारत आरो बांलादेशनि गेजेव कयेदीफोरखौ सोलाय-सोल' खालामनाय आरो बिसोरनि इयुननि सोमोन्दै संगालि खौरां मोन्दौं। बेबादि मोनसे केसआ शुक्र रन्जन बालिनिमोन, जायखौ बांलादेशनि सुप्रिम कर्ट लांगोनानिफ्राय खवदौंमोन आरो उनाव बिखौ भारतयारि जेलआव मोन्नाय जादौं। नैथि केसआ बांलादेश नेसेनेलिस्ट पार्तिनि दैदेनगिरि सालाहुदीन आहमदनिमोन। आहमदनि बे केसआ बांलादेश आरो भारतनि गेजेराव सोलाय-सोल' नेमखान्थिनि मोनसे बिदिन्थि। बे राफार्से बांलादेशआव हिन्दुफोरनि हेंथायै इनाय-अनागारनि केसआबो जोबनायनि मुं लायाखै। अदेबानि दिनाजपुर जिल्लानि कासिमपुरा ओन्सोलाव आरोबाव सासे फु जारिखौ जिउ फोजोबदौं।

भारतआ रावखौबो गावनि थांखियाव भित लागायनो होनाय नडाः मन्थि जयशंकर



मुम्बाइ, 22 डिसेम्बर: गुबुन बिजाउनआ गोथीसिन जायो। खैफोद गोनां जिउ खानाय हुदा एवा लाइफ स्टाइल एवा गले-गले जानो गोनां आबहावायारि जाथाइफोरजौं भुगिनांनय बुहमआ भारतनि बिरासतनिफ्राय गोबां सोलौना लानो हायो, नाथाय मुलुगआ अब्लासो मिथिगोन जेब्ला हादतयारिफोरा बेनि सायाव गोग्गनाय मोनगोन आरो दिन्थिगोन। मन्थिया बुंवावदौं, भारतआ गोनांथार महैर जौगालांगोन, नाथाय बियो गावनि भारयारिखौ

खोमायालासे बिब्दि खालामनांगोन। अब्लासो जौं मोगथाडव मुलुगनि मोनसे जौगाखां गोहो महैर जाखौबोनो हागौ। जौं गावनि माहारियारि आरो मुलुगनि गाहामनि थाखाय गियाजासे थि हाबाखौ मावलांगोन। भारतआ माब्लाबाबो गुबुनफोरखौ गावनि थांखिफोरनि सायाव भित लागायनायनि गनायथि होनाय नडा। गोबाव समनिफ्रायनो जौखौ जौगाखां आरो मडानार्जेशनखौ गावनि बिरासतआव आरो आसार खान्थिफोरखौ आजावना लानायनि गियान फोरदौं। आधिखालाव सुबुंखान्थिनि गोथीथिया आरो बांसिन फोरमान गोनां रावफोर सिखांदौं, जेराव हादतआ गावखौनो फिन दिन्थिफिन्नो हादौं आरो गावनि सुबुंथि एवा गुबै महरखौ फिन मोनफिनगामिनो।

बिजेपि दैदेनगिरिया प्रियंका गान्धीनि हेंथायै हाइ कर्टआव अजदलाइ थिसन्दौं

कच्चि, 22 डिसेम्बर: बायनाड लकसभा बियाबनिफ्राय देरहासारनाय कंग्रेसनि एमपि प्रियंका गान्धीनि लक सभा सोद्रोमानि सायाव खैफोदा साग्लोबबोगासिनो। मानोना बे बियाबआव बिथानि देरहासार जानायखौ सेनेल होनानै बिजेपिनि दैदेनगिरि नव्या हरिदासआ केरेला हाइ कर्टआव थांदौं। हरिदासआ बायनाडआव बिजेपिनि जानानै प्रियंका गान्धीनि बेरेखा बिसायख'थि बादायदौंमोन, नाथाय बिथाड 5,12,399 भटआव जेन्नादौंमोन। बिजेपिनि बिजाथिया सिबिआइनि बिजाथि सत्यन मकेरीनि उनाव



गोदान भवनआ दंफायो। उल्टछारायाव 35 लाख रांनि आरो गंसेबाव सावसि मिरु आरो आगरतला अखौरा रडआव स्मार्ट सिटि बिथांखिनि गेजेरजौं मोनसे सिभेज ट्रिटमेन्ट प्लान्ट (एसटिपि), जायनि बेसेना25.86 कौटि रां। बेनि अनगायैबो आरोबाव मोन 7 बिथांखिफोरनि थाखाय अन्थाइ खाम्फा गायसनो। बेयाव आगरतलाआव 120 कौटि रांनि मिरुआरि संगालि ट्रेनि होग्रा फसंथान, अंभासायाव लेडाइ-बिफानआरि मेजिस्ट्रेटनि थाखाय

इलेक्ट्रिक ह्वुइल्स सेक्टरआव 5 कौटि साखि ओंखारगोनः मन्थि गाडकाड़ी



गोदान दिल्ली, 22 डिसेम्बर: भारतआव इलेक्ट्रिक ह्वुइल्स मार्केटनि ग्रथआ फेगौ समावबो गाहामैनो थानो हागौ। मिरु मन्थि नितिन गाडकाड़ीआ बुंदौंदि, हादरनि इभि सेक्टरआव 2030 सिमआव 5 कौटि साखि ओंखारगोन। भारतयारि इलेक्ट्रिक गारि बाजारनि केपासिटिआ 2030 सिमआव 20 कौटि रांसिम सौहैनो हागौ। इलेक्ट्रिक ह्वुइल रांखान्थि बाजारआ 4 लाख कौटि रां जागोन होन्नानैबो मन्थिआ बुजे। सुलुनि बादिब्ला, लामा हान्था-मेलाने आरो राजा लामा मन्थिआ बुंवावदौंदि, भारतआव 40 जौखोन्दो आबहावा गेब्रेनाया हान्था-मेलानि जाहोनाव एवा गारि-मथरफोरनि जाहोनाव जायो। भारतआ 22 लाख कौटि रांनि जिबाश्म इन्धनखौ इम्पट खालामो, जाय मोनसे गिदिर

स्पेडेक्स मिशनखौ लन्च खालामनो इसर'आ आबुडै थियारि



भारतनि मख'जाथाव मिशनफोर बायदि अखाफोरनिफ्राय नमुना लानानै फेनाय, भारतीय अखांमा मिरुखौ बानायनायनि थाखाय मख'जाथाव। भारतीय अखांमा संदानग्रा आफाद (इसर') आ शनिबारआव एक्सआव पस्ट खालामना लन्च यानखौ सेन्टारआव लानायनि बागै मिबथिहोयो। थानाय 9 डिसेम्बरआव पिएलएलभि-सि 59 मिशनआ जाफुंसार महैर लन्च जानायनि उनाव इसर'नि गाहाइ समनाथआ बुंदौंमोनदि, इसर'आ पिएलएलभि-सि 60 मिशन बायदियै स्पेडेक्स मुनि स्पेस डाकि मिशनखौ लन्च खालामगोन। बेनि रकेटआ थियारि जाखाबाय। इसर'नि बायदिब्ला स्पेडेक्स मिशन बायदियै गनै फिसा अखांमा यानखौ पिएलएलभि-सि 60 रकेटजौं जयैनो 55 डिग्रि गनाय 470 कि: मि: गोजानाव अखांमानि बै कक्ष लामायाव दोनहरनाय जागोन।

3 थि मासियाव देरहादौंमोन। केरेला हाइ कर्टआव थिसन्नाय आर'जलाइआव हरिदासआ बाश्ना बानबुंथि होना बुडोदि, प्रियंका गान्धीआ गावनि बिजाथिलाइ गथाइनाय समाव गावनि आरो गावनि नख'रनि गुबुन गुबुन सम्पतिफोरनि बागै आबुडै खौरां होयाखैमोन। बिथानि बुंनाय बायदिब्ला, प्रियंका गान्धीआ भटारफोरनि गोसो बोनाय थांखिजौं बिसोरखौ फुस्लायदौं, नखाय खौरां होदौं आरो आन्दोआव दोन्दौं। कंग्रेसनि दैदेनगिरिया गोबां खाबुफोराव भटारफोरखौ नारसिन्दौं आरो आइनि सिमफ्रायदौं होनाबो आर'जलाइयाव बुंदौं।

गाहाइ मन्थि मदिखौ कुवेतनि बापन पेलेसआव गार्ड अफ अनारजों मान बाउदों

कुवेत, 22 डिसेम्बर : गाहाइ मन्थि नरेन्द्र मदिआ साननैनि थाखाय कुवेत दावबायहैदों। कुवेत सौहैनाय लोगो-लोगो गाहाइ मन्थिखौ गाजा-गोमजायै बरायो। पिएमआ दिने आर'बियान गल्फ कापखौ बेखेवनाय जथुम्मानि समाव कुवेतनि आमिर शेख मेशल अल-आहमद अल-जबर अल सबाहजोंबो लोगो हमो। मदिआ मोनसे पस्टआव कुवेतनि महमहिम आमीर शेखजों लोगो हमनानै गोजोन्याय मोन्दों होना लिरों। पिएम मदिआ दिने कुवेतनि दावबायनायनि जोबथा सानाव



बेयावनि गाहाइ मन्थिजोंबो लोगो हमगोन। गाहाइ मन्थिनो कुवेतनि बायन पेलेसआव गार्ड अफ अवारजों मान बाउगोन।

बेनि सिगां मदिआ गुबुन हादतयारि भारतयारिफोरजों लोगो हमो। पिएमआ बे समाव फैगौ बोसोरव भुवनेश्वरआव

खुंनो गोनं 'प्रवासी भारतीय दिवस' आव एक्टिभै बाहागो लानायनि सायाव गोनाथि होयो। बिथाडा 'हाला मदि'

हाबाफारियाव बुझेदि, जौगाखां भारतनि गुबुन दावबायारिफोरनि एक्टिभै बाहागो लाया जासे आबुं जानो हाया। बेनिखायनो आं नोंथांमोनखौ बयखौबो जौगाखां भारतनि हाबाफारियाव बाहागो लानो थाखाय खावलायो। बे समाव मदिआ 101 बोसोर बैसोनि आजिरा लानाय आइएफएस हान्जाजोंबो लोगो हमो। बिथाडा भारतनि थाखाय बिथानि बिहोमा आरो भारतजों जौगाखां होनायाव बिथानि शाहखौ बाखायदों। हान्जानि फिसौ श्रेया जुनेजाआ मदिखौ गावनि बिबौजों लोगो हमनो आर'ज बागदोंमोन। मदिआ दसै हादतफोरनि गोजेराव सोमोन्दोफोरखौ गोखों खालामनायाव बिथानि बिहोमानि सायाव गोगानाय फोरमायदों।

गोजाम इलेक्ट्रिक आरो फिसा कार बायनाया बेसेन गोसासिन जासिगोन

गोदान दिल्ली, 22 डिसेम्बर : फैगौ समाव गोजाम कार बायनाया बेसेन गोसासिन जासिगोन। बेनि जाहोना बेनोदि, डिएसटि काउन्सिलआ गोजाम फिसा कारफोरजों लोगोसे गोजाम इलेक्ट्रिक कार बायनायनि सायाव आधिखालाव 12 जौखोन्दोनि जायगायाव 18 जौखोन्दो डिएसटि जाबसिनो थांखि लायो। आधिखालाव गोबां कार बायनाय-फानायनि सायाव जेबो जिएसटि जाबसिन्याय नडा। बे जिएसटिआ गोजाम गारिनि गसै बेसेननि अनगायै रेजिस्टार जानाय फानग्राफोरनि मार्जिनावल' नांगोन। बेनि अनगायै काउन्सिलआ थि समाव इएमआइ होनायाव फेलें जानायनि सायाव जाबसिनो गोनां पिनेल चार्ज एवा



टेक्सआव जाबसिनो गोनां जिएसटिखौ बोखारना होनाय जाबाय। जेसलमेरआव खुंनय जिएसटि काउन्सिलनि जथुम्मानि उनाव गंखाथि मन्थि निर्मला सितारमनआ बुझेदि, बे थांखिजों फालांगिरिफोरा गिदिर रेहाय मोनगोन। काउन्सिलनि थांखिनि बायदिल्ला, आधिखालाव कारमेल मोननाय मोठे पपकाननि सायाव 18 जौखोन्दो जिएसटि नांगोन। सुलुडाव फोरमायनाय बायदिल्ला, कारमेल लगायनायजों बेनि स्वादआ बाडे। बेनिखायनो बे पपकाननि जिएसटिनि थाखोया सोलायो। रांखाथिथयारि मन्थि या फोरमायनाय बायदिल्ला, फिसा कम्पानिफोरनि रेजिस्ट्रेशनखौ गोरलै खालामनो थाखाय मोनसे गुवार खेंफोरथि थियारि खालामदों, जायजों काउन्सिलआ गावनि गनायथिखौ होबाय।

हिमन्त बिश्व शर्मानि सरकारआ उन्दै बैसोआव जिलि लानाय केसआव हरसेआवनो 416 सुबुंफोरखौ ग्रेप्टार खालामदों

गुवाहाटी, 22 डिसेम्बर: उन्दै बैसोआव जुलि जानायनि हेंथायै आसामनि गिबि मन्थि ड हिमन्त बिश्व शर्मानि सरकारआ गोखों आखु दिन्थिगासिनो दड। बेनि हेंथायै सालायनाय हाबाफारिनि गेजेरजों आसाम पुलिसआ थांनय हराव सा 416 सुबुंफोरखौ ग्रेप्टार खालामो आरो मोन 335 केस थिसनो। ग्रेप्टार खालामजानाय सुबुंफोरखौ दिने बिजिरसालियाव दिन्थिनाय जागोन। उन्दैआव जुलि लानायखौ लानानै गिबि मन्थि हिमन्त बिश्व शर्मानि पस्टआवो नुजाथिदों। बिथाडा एक्सआव मोनसे पस्ट होना बुझेदि, आसामआ उन्दैआव जुलि



लानायनि हेंथायै गावसोरनि दावहाखौ सोलिहोना लाखिगासिनो दड। थांनय हराव जगायनाय थामथि खोलोबनि हाबाफारियाव सा 416 सुबुंफोरखौ ग्रेप्टार खालामो आरो मोन 335 केस थिसनो। बेजों लोगोसे जों बे समाजारि गात्रि आखुखौ फोजोबनो थाखाय

गोखों थांखि लागोन होना शर्माआ बुदों। बिथाडा बुंभावयोदि, राइज्यो सरकारआ आसामनि सुबुंफोरनि सिनायथिखौ लाखिबाय थानो आरो बेनि जौगाखानायखौ रोखा खालामनो थाखाय नाजागासिनो दड। सरकारा हाबफै खोमाग्राफोरनि

गोहोमखौबो सिमना गोनां खालामनो थाखायनो खामानि मावगासिनो दड। बेनि अनगायैबो राइज्यो सरकारआ 10,000 हेक्टर हाखौबो आवग्रिनो लाग्राफोरनिफ्राय उदां खालामबाय। आसाम सोमावसारनायनि सिगां मुंख्लं खडुंश्वर तालुकदारनि साबसिनै जिउ बावनायखौ गोसो खानानै गिबि मन्थिआ बुझेदि, बिनि जिउ बावनाया राइज्योजों लोगोसे गसै हादतआव दुखुनि दोहौ सोमजिहोदों। बिथां तालुकदारनिफ्राय गोसो दुनानै 800 निखुइ बांसिन गुबुन मुंख्लंफोरनो राइज्योनि थाखाय गावसोरनि जिउ बावसोमदों।

मनिपुरआव हाथियार, गुलि-बारुदजों लोगोसे फेग्रा मुवा आरो स्माग्लार हमनो मोन्दों

इम्फाल, 22 डिसेम्बर: मनिपुर पुलिस आरो रैखाथि हान्जाफोरा क्राइमफोरखौ फोजोबनो आरो राइज्योआव गोजोन लाखिलानायनि थांखियै गोखोंसिनै नाजागासिनो दड। शनिबारआव खालामनाय अपारेसनआव हाथियार, गुलि-बारुद बोखानो मोनो आरो फेग्रा मुवानि स्माग्लिं आरो आइन बेरेखा हाथियार दोन्थुमनायाव लोब्बा गोनां सुबुंफोरखौबो हमो। हाजो आरो हाइन जिल्लाफोराव सिग्रोमनायनि गेजेरजों रैखाथि हान्जाफोरा 51 मर्टर, गंसे 7.62 एसएलआर राइफल आरो मेगजोनजों



लोगोसे गंसे 7.62 एनएलआर राइफल, गंनै 7.62 स्नाइपर राइफल, गंसे ग्रेनेड लान्चर, गंनै सिनाल बेरल गान आरो 7 कि:ग्रा: लिरथायनि थर 4 आइइडिजों लोगोसे हाथियारफोरखो बोखानो मोनो। बेफोरनि अनगायै गंथाम 36 हेन्ड ग्रेनेड, गंसे मिसफायर 51 मर्टर बमा, गंसे बेटारि आरो 10 मिटर तार बोखानो मोन्दों। दनायावबो गोबां बिबानि गुलि-बारुद, गंसे वायारलेस सेट, बुलेटफुफ जेकेट, जुता, गाम बुट आरो बिपि लहानि प्लेटफोरखौ बोखानो मोनो। गुबुन मोनसे अपारेसनआव मनिपुर पुलिसआ

सेनापति जिल्लानि साखाथि हेंबं गामियाव सानै सुबुं महम्मद आकबर खान (32) आरो महम्मद आब्दुल रमान (36) खौ हमो। बिसेर सानैखौबो गंसे साखा खबब्रै गारिजों दावबायदों मोन आरो बिसेरनिफ्राय 30 पेकेट बोखानो मोन्दों मोन, जायनि मोनफ्रोमआव ड्रागसिन 90 स्ट्रिप्स दंमोन आरो बेनि गसै अन्जिमाया 2700 स्ट्रिप्समोन। बिबानगिरिफोरा सानै हमजानायफोरनिफ्राय गंनै मबाइल फन, आधाव कार्ड, गंसे पेन कार्ड आरो 7360 नोगोद रंबो जब्द खालामो। फार्सेथिं चुइचान्दपुर जिल्लानि तरबंग बाजारआव जामखमं हाउकिप (27)खौ रैखाथि हान्जाया हमो। बिनिफ्राय गंसे पिस्तल बोखानो मोनो।

सियां आपार यजनाखौ हेंथा होनो सान्जा सियांनि थागिबिफोरा आफाद दादों

पासिघाट, 22 डिसेम्बर: इस्ट सियां डउनस्ट्रीप डेम इम्पेक्टड पिपुल्स फरामआ अरुनाचल प्रदेश सरकारनिफ्राय हरनाय एसडिएमपिनि गोहोमजों सान्जा सियां जिल्लायाव गाहाय ओन्सोलफोरनि थागिबिफोरनि जिउ, हा आरो सम्पतिफोरखौ रैखा खालामनो थाखाय खावलायनो थांखि लादों। आपार सियां जिल्लायाव मोनसे मेगा हाइड्रपावार बान्दो बानायनो अरुनाचल प्रदेश सरकारनि फोसावदिजों जिगा, पासिघाट टउनशिपनि खाथि-



खाला दर 24 गामिफोरनि थान्देफोरा मेलेमजिबिफोर, आजिरा मोन्याय मावफारियाफोर, सरकारि नडे आफादफोर आरो

बान्दो जर'खागिरिफोरजों लोगोसे इएसडिडिएपिएफ बानायनो थाखाय 8 अक्टबर 2024 खौ गिदि नटक,

खुंनय नैथि जथुमआव जौसांआ बयनिबो गनायथिनायजों अनि तमुकखौ आफादगिरि आरो जवमचं मे'गुखौ गाहाइ नेहाथारि महरै सायख'यो। इएसडिएपिएफ आ सान्जा सियां जिल्लानि गसैबो 72 गामिफोरखौ लाफानानै मोनसे सुबुं सोमावसारनाय लाबोदों, जाय गोजौ सियांआव बान्दोनि जाथावना गोहोमफोरनिफ्राय रैखाथिनि दाबि दैखानों।

दिल्ली-हिमाचलआव अखानि गोहोम, इउपिनि माखासे जिल्लाफोराव खुवा साग्लोबदों



गोदान दिल्ली, 22 डिसेम्बर: हाजोयारि राइज्योफोराव गुसुजों लोगोसे खुवाआ गोखैयै बांगासिनो दड। काश्मीरआव गुसु बोथोरनि बयनिखुइ गुसुसिन बोथोर बुंजाग्रा 40 साननि चिल्ले कलांआ थांनय शनिबारखालि जोबोद गुसुजों जागायो। बेराफासै हिमाचल प्रदेशआव 23 आरो 24 डिसेम्बरआव अखा हानो हागौ होना हमदादों। बोथोर बिफाननि बादिब्ला, 27-31 डिसेम्बरसिमआ३% सोनाबयारि नारसिन्थायनि गोहोम

गोलैगोन। बे समाव गोजौ ओन्सोलफोराव बरफ गोलैगोन आरो गाहाय ओन्सोलफोराव अखा हानो हागौ। उत्तरखन्डनि गोजौ हाजोयारि ओन्सोलफोराव गुसुनि गोहोमखौ नुनो मोनगासिनो दड। बोथोरआ मोजं जानायनि उनावबो हरनि समाव बिदुडा दावखलायगासिनो दड। दिल्लीआव लान्थियै बिदुडा दावखलायगासिनो दड। आइएमडिनि बादिब्ला, दिल्लीआव मिनिमाम बिदुडा 5 डिग्री सेल्सियाससिम

सौहैखांबाय, जायनि जाहोनाव जोबोद गुसुजों लोगोसे फैगौ माखासे सानफोरसिमाव बेयाव रोजा खुवा साग्लोबगोन। बे सप्ताहआव इउपिआव अखा हानायनि सन्देह फोरमायदों। श्रीनगरआव गुसु बोथोरनि गेजेरजों लान्थियै बिदुडा 0 डिग्रीनि गाहायाव थादों आरो थांनय शुक्रबार हरआव मिनिमाम बिदुडा -8.5 डिग्री सेल्सियासआव सौहैदों। श्रीनगरआव 50 बोसोर सिगां 1947 आव मिनिमाम बिदुडा -10.3 डिग्रीसिम सौहैदोंमोन। गुसुनि जाहोनाव बिलोजों लोगोसे दंग, दै बाजुम आरो दैनि फुंखाफोरा लाथा खायो। बेजों न'फोराव दै जगायना होनायावबो गोहोम गोलैदों। बेराफासै जम्मु संभागआवबो उधमपुर, राजौरि आरो भन्दवाहआव मिनिमाम बिदुडा 0 निफ्राय गाहायसिनआव सौहैयो।

बाग' गिबि मन्थि इबबिआ मनिपुर सरकारनि सायाव दाय जाबसिन्दों

इम्फाल, 22 डिसेम्बर: कंग्रेसनि गागि दैदेनगिरि आरो बाग' गिबि मन्थि अकरम इबबि सिंहआ मनिपुर सरकारनि सायाव राइज्यो बिधान सभानि गोजं बोथोरनि जथुम्मा खुंनयाव फेलें जानानै संबिजितनि खाथिखौ सिफायनायनि दाय जाबसिन्दों। बिथाडा इन्फलनि कंग्रेस भवनआव खौरंगिरिफोरनि सिगाडाव बुंवावोदि, राइज्यो सरकारआ नेमखाथिफोरखौ मानियालासे संबिजितखौ सिफायगासिनो दड। खाथि बादिदियै मोन 3 बिधान सभा जथुम-बाजेट, उदां बोथोरनि जथुम आरो गोजं बोथोरनि जथुमखौ केलेन्डर बोसोरव खमैबो खेवसे खुंनगौ। अदेबानि मनिपुरआव गोजं बोथोरनि जथुम लिंथुमनाय जायाखै, नाथाय बोसोर जोबनायनि फासै सौफैबाय। कंग्रेसनि दैदेनगिरिआ बुंवावोदि, राइज्यो बेंगिरि, बिधान सभानि बुंथिगिरि आरो गिबि मन्थिनो शुक्रवारखालि गोसोखालाइ गथायनानै बिथाडा बे आयदाखौ सुस्रानो खावलायदों। जिगा फोरमायथिनानै इबबि सिंहआ बुंदोम, सुबुंखाथियारि फसंथानफोरा मोजाडै खामानि मावनायाव जाफुडैनि जाहोनाव गावसोर बे आयदाखौ दैखानो गोनां जादों। बेरेखा दोलोनि जानानै जुदि सरकारआ गावनि बिबानखौ मोजाडै मावफुडाब्ला सिरियै नायनानै थानो हाया।

LOST

I have lost my Original Mark-Sheet bearing Roll 0507 No- 10140 and Registration Certificate bearing No- 146738 of Higher Secondary Final Examination of the Session 2020-21.

Therefore, if anybody have found please inform to the following address.

Sri: Ramit Basumatary
S/O- Nandeswar Basumatary
Vill- Habrubari
P.O- Serfanguri
P.S- Serfanguri
Pin- 783346
Dist- Kokrajhar



जौखौ 30 एमएल एबा 60 एमएलआव पेग बानायना लॉनायनि ओंथि आरो जाहोनआ मा ?

सुबुंफोरनि गेजेराव जौ लॉनाय हुदाया गोदो-गोदायनिफ्रायनो सोलिबोदों। आथिखालावबो गोबां सुबुंफोरा खाबु लानानै जौ लॉना रंजा-बाजा खालामो। बिलाथि जौ लॉनाफोरनि खुगानिफ्राय पेग बानायना लॉनायनि बाथ्रा खोमानो मोनो। जौ लॉनायाव सुबुंफोरा 30 मि:लि: एबा 60 मि:लि: पेग बानायो। नाथय बे पेगआ मा एबा बेखौ मानो पेग होन्ना बुडो। बेराफासँ सरसन्ना सुबुंफोरनि देसि जौ लॉनायाव बेबादि पेग होन्नाय गैया। बेयाव कापसे, कापने आरो बथल हिसाबै लॉनायनि बाथ्राखौ रयज्जायनाय जायो। भारतजों लोगोसे माखासे हादरफोराव पेग सोदोबखौ जौ रन्नायाव बाहायो। नाथय बे पेग सोदोबआ जौनि जखा सुनाय महरै माबोरै जाफेखो ? पेग सोदोबनि ओंथिआ मोनाबिलिनि बेसेन गोसा गिलास आरो पेग सोदोबनि गुदि एबा बेयो गुस्लायबोनाय सोदोबआ ब्रिटेनआव खनि-मुवा बोखांफोरनि मोनसे



गोजाम सल'जों लोब्बा दड। बब्रेखानि बेयो मोनसे सल' बाथा। बुंनाय जायोदि, सानसेमानि खामानि मावनायनि उनाव कनिकफोरनि लॉग्रा मुवाखौ बेसेन गोसा मोनाबिलिनि गिलास होन्ना बुंनाय जायोमोन। खनिआव हाबा मावफोरखौ गोब्राव गोजांनायनिफ्राय रैखा खालामनो थाखाय ब्रेन्डनि गंसे फिसा बथल होनाय जायोमोन। बिसोरो बेखौ गिलासआव लुना लोडोमोन।

बे गिलासआ बिसोरनि थाखाय जोबोद बेसेन गोसामोन। उनाव लासेनो बेखौ पेग होन्ना बुंनो हमो। मोनसे फिसा पेगनि ओंथिआ 30 एमएल। बेनि अनगायैबो पाटियाला पेग दंबावो जाय 90 एमएल। गुबुन गुबुन पेग जखा सुनायनि जाहोन दड। मानोना जौ लॉनायनि उनाव जौनि देहाआ जौखौ बिष गोनां मुवा महरै आजावो आरो बेखौ बाइजोआव दिहुनहरनो नाजायो। बेनिफ्राय जौनि

देहानि गुबुन गुबुन बाहागोआ गुबुन रासायनफोरखौ सोमजिखां होना नै जौखो दानगारो। 30 एमएल जौखो लासै-लासै लॉनायाव जौनि देहाया बेखौ गोखैयै दानगारो एबा हजम खालामनो हागौ। बे 30-60 एमएल साइसनि मोनसे जाहोना बेबोदि, बांसिन जौ बथलफोरा 750 एमएलनि थायो। ब्रिटिसफोरा जौखौ 25 एमएल आरो 50 एमएलआव जखा सुना लोडो।

रंजालि गथ'फोरनि सौरा

जिउ थानाय बिलिसिम

जिउ थानाय बिलिसिम अराय बोथोर बड'सा रादाब अनसायबाय थागोन

जिउ थानाय बिलिसिम अराय बोथोर खन्थाइ रेबगोन खनथाइनि थिलिआव

जिउ थानाय बिलिसिम माबा मोनसे आगान गालांनो हाबिला जायो

जिउ थानाय बिलिसिम खन्थाइजोंनो गायामायाव बिहोमा होलांगोन

-रैदोम बर', बाक्सा

अनसाय गोसो

बिदिन्थानि गेजेरजों मोजां गाजि मावनानै अनसायनाय गोसोआ हास्थायो अरायबो गाहाम हगार सारबाय जों ई 2007 माइथायनि बोसोर गोजाम गुस्लायसुलि बे बाहायआरि मुगाआव अनसायनाय गोसोजों जुजिनो बायदि मिजिक थांखि लानानै। बरायनि जों 2008 ई मायथायनि बोसोर गोदान। गोसो गोथार अनसायनाय गोसोजों थांखि लाबाय। बुब्बि एबा समजों गोरोबना थांखिखौ आगान सुरगोन नेनानै थाया जों राविनबो लेहेम आखु, गिनाय लाजिनाय मुगैनाय गैयाजासे आबुथि गोनां आखुथायजों नाजादिनि। बोखानो गोजौसिन मासि बर' बिमानि राव थुनलाइ जों फुजिन गोसो गोथारै मिथिसार जानि बुहुमाव सोलोगोन नों बर' बिमानि रावजों बेनो जाबाय जौनि गोदै गोथाव राव। अनसाय गोसो लाना अराय जुजिनो बे बाहायआरि मुगाआव बर' राव, गेवलां सारथों थुनलाइ बर' राविन जों बर' हारि। जों सोलोगोन-बिमानि रावजों गेवलांसारथों बर' नि राव थुनलाइ थांना थाथों बर' बिमानि राव।

श्री बिरखां बसुमतारी गामि- सा- बेरगाव ला:सो:- चरायकला जिला- कक्राझार बितिस् (आसाम)।

गोसोनि हास्थायनाय

सानदोंमोन आं नोंखौ नैबे मुलुग संसाराव नों आंजों लोगोआव। नों दिने फ्रनि नों दिने... आंखौ गोसोआव दावदाब दोनबाय गुबुनजों गोसो होन्ना नै नाथाय... फ्रनि..... दाखालामसे नों आंखौ गोदाव-सोराव आंखौ नों गोसोआव दुखु होबाय... नाथाय फ्रनि आंनि गोसोआदि रावजोंबो गैया नॉनि अनगा..... हास्थायो गोसोआ नोंखौल'। नों सैया मालाय मा जानो फ्रनि..... नॉनि थाखायनो आंनि जोनोम बे मुलुग संसाराव.....। नोंखौल' हास्थायबाय थागोन गोबों बिखायाव.... नोंखौल' नेनानै थागोन आं फ्रनि रुंगु गैयै गोसोनि..... लांदां मन्दिर गुदियाव हाजासे नेनानै थाबाय थागोन नोंखौनो आं फ्रनि..... अराय समनि थाखाय नै बे मुलुग संसाराव।

श्री अनसाय बसुमतारी फामि- सामथायबारि (आमगुरि) जिला- चिरां बितिस् (आसाम)।

हाउरिया

हा दंमोन हा गैलिया दोहोन दंमोन होन्ना नै गैलिया जेबो आंहा आंनि गैथारलिया थरिनो जाबाय आं हाउरिया अनजालि दंमोन अनजालि गैथारला फिसाफोर दंमोन फिसाफोरबो गैलिया बिसि फिसा गासैबो गैजोबथारला थरिनो दुखु थिया आं हाउरिया लामा थाबायनाय गुबुनाव बिनाय मोनगोन खोमा बिबायनाय रावआ बायनाय बेरेफुजानि जलंगा हनानाया थरि आं हाउरिआ खोमसि मोनायो एखनब्ला हर थौबोयो मालायनाव मावनांखुब मेंबोयो गोसोआ आंनि हासिंडै बायलुं जायो आय! आं थरि जाबाय हाउरिया जानांबाय आं बिबायआरि गोदोनि जानाय गोदोनि रंजानाय बहा मोनबावनो गोसो खामालाय सानबायना दुखुजों हांमा सुरनाय राहा गैजा रोडैआव आं हाउरिआ मोनजानायखौ मोनजानाय गोजोनै थानाय सानदोंमोन गोसोआ गोजोनै थागोन अराय सानफेराखैमोन ओंथि बिफानि रायनाय जाउनाव जानांबाय आं हाउरिया। मिथिबाय बुजिबाय दासो हमदां हाबाय नड बिमा-बिफाआ रायनायआ अराय नंखाय इयुनि थाखायसो बिसोरनि रायनाय फोरोंनाया राहा गैलिया आं थरि जाबाय आं दुखुथिआ गोमाजानाय आंगोनफोरखौ बहा मोनफिनो जोबखानाय रां खाउरि बहा फैफिनो दुखु दाहा सैनांसिगोन आं हासिंडैनो जानांबाय आं सासे संसारनि हाउरिया..

मुश्री समाज बसुमतारी गामि- सा- बारगाव ला:सो:- चरायकला जिला- कक्राझार बि टि सि ।

गोथां आबिर

खाबाय जों सानैनि गेजेराव रादाय थार-गोरोन्थिनि उनाव दोन्ना मोखथांआव महर होनो होन्ना। सोर बुड गावखौ मोजां होन्ना ? थैनायनि उनावबो मानसि जोनोम सोर लुबैया जुवान बैसोआ जोबोद थगायसुला बुहुमआव जोनोम थैनायनि अनजिमा गैया नाथाय गुननि अनजिमा दडो। जानो हागौ सुबुड बेखायनो मोजां-गाजि मावपलाडो जाय गोरोन्थिखौ जों हमदांस' हाया; खनथायगिरिफ्रा बुडो-बिबार थस'लाइनि दैआ जिउजों समान मानोना सुबुंआ अरायनि थाखाय नड।

मुसि दैदेन सि. फाहां जिल्ला:-बागसा।

लिमारिक

बड'लेण्ड राइजोन्नि बर' सिख्लाफोर हौवा मोनब्लाल' जासै सानखासै सिगांबो सानला इयुनबो सानला फिसाय ज'नायनिल' हाय हाल्ला। 2 लजिडव थादों कलेज फरायनो मोजां मोन्नायखौ लिंहरदों लाइन मारिनो रावबो गैयैआव सान्स लाज्जायदों गावबा गाव लाइभखो बरबाद खालामदों। 3 जौनि क्लासिनिलाय आगै उषा गोसोआ बिनि मोखा बिखा थालिट फिथायखौल' मोजां मोनग्रा नारिखल फिथाइखौ जोखाट हरग्रा। 4 दानि सिख्लाफोरनि महर मोब्लिब बोनाय बायदि दानि सिख्लाफोरनि गोसो भुम गिदिनायबादि नाथाय गैया बिसोरनाव गाहाय थांखि हाबा लानायाल'नो बिसोरनि गुबै थांखि। 5 जामफे गुरिनिलाय आगै सुदेमसि सेंग्रा नुब्लानो बखियो मानो खासि-बिसि गावखौल' सानो मानो बयनिखुइ साबसिन। महर-मुसि हायथु थु-थुफ्रि-फ्रि नुयो नोंखौ सुटफ'नखानि मुसि

श्री पुरनजय मुसाहारि ला:सो:- बामन कुरा'

अनजालु

अनजालु नॉनि महरा मानो एसे समायना..... ? बुंनो हाया मानो नॉनि महरखौ ? रावजोंबो रुजु जाया मानो नॉनि महरा..... ? सोर बिमाया जोनोम होआ नोंखौ अनजालु..... ? गाराड नॉनि बेसेबा गोदै मिनियो नों बेसेबा समायना। दिहुनो नों रिजि हाथाय थाबायो नों देबलु देबला अनजालु मा एसे मुहिनी दं नोंनाव..... ? मोसायो नोंजों लोगोआव हान्जा सिखिरिया बाज्ल बाज्ल गां फुवारना।।

मिस सानिया मोसाहरो फरायसालि- अलंबार गोजौ फरायसालि थाखो-जि (10) गामि- हलतुगाव।

मोजोमसे अननाय

बुब्बिनि गुथालजों बोहैबोनाय बोथोरनि बै आइराखिआ लाबोयो अराय दुफानि जावलिआ बारखौ। दुफानि थिं थिं सान्दुआव गोजोन होनाय बिफां गुदिनि सायखुमाव खोलो खोलो बारनाय बारा मादि सानसि बेरखांहोयो गोसो गोबोंआव। दुफानि मोनथोरजों सान्थ हायै सुबुं जिउसाफोरा बोदोर जानाडो। थरिनो बे बोथोरा सुबुंनि गोसो जिउआव बायदि गोहोम खोखैयो। बे बोथोरनि दोहौआनो लाबोदों दिने बे मोजां मोन्नायखौ मादि भावथिना। सान्थ हायै माया संसारनि जेंना-जेंगोनाफोरखौ एंगार-एंगार सम नायगिरि नायगिरि गोसो खाडो आं नॉनि मोजोमसे अननायखौ।

श्री तिकेन्द्रजित देवुरि गामि- धावलि गुरि।

गोथै शह'

सोर जाखो नों ? बे लामायाव गोलैना थानाय निजोम दलर सोलेरा। सोर सुथुरा नोंखौ सिथार लांखो ? मबे जमा नॉनि जीउखौ लांखो ? रावबो नोंखौ दिने सिनाय लिया। रावबो नोंखौ दिने अनसायलिया दावखा-सिला, शियाल-शिगुनफोराबो नॉनि शह'खौ मानोबा बोगार फैयाखैसै। जोहोलावमोन नामा नों सासे ? समाज सिबियारिमोन नामा नों सासे ? नोंनो मोन नामा बै बिग्रायारीया ? जानांबाय दिने आलाइ-सिलाइ, सोर बिमाया नोंखौ अनसाय बावनो, सोर बिफाया नोंखौ खनखां बावनो सिखिरि मानसिया नारश्रेट-जोश्रोद मुगैलांबाय, लामानि गोथै लामायाव थानांबाय। रावबो नोंखौ दिने सिनायाखैसै, रावबो नोंखौ दिने मान होयाखैसै। सुबुं समाजआव मोनाखैसै नों थरथंसे अननाय, बुहुमाव मोनाखैसै दरखसे गोथैसालि आय' मा बरात स'ना नॉनि।

थरायना अल'खा ब्रह्म गामि- गमाबिल (दत'मा)।

आननेसेसारि

फागुन दाननि अखा सान्दुखौ सहायनो साननानै आं, लामानि फांसे गेरेमसा फाखि बिफानि सायाआव जिरायनानै थानो साननायावनो दोंसे खन्थायासो गोबोंआव जाखां फैबाय। खन्थायखौ सुजुनोना सुजुया गोनो गोथोयै ब्लाबो खलमखौ आखायाव दैनानै गोसो गिलिरे, सा सान्जा बारनि दोहौजों बिलिरदलाबाय, गुफुर लेखा बिलाइआव गोसोम दागो बोलांबाय खनसे फरायनानै नायब्ला नुबाय आननेसेसारि,।

ससिला ब्रह्म

कर्नाटक आव लामानि जाब्रबथायाव सा 9 सुबुंनि जिउ ख'हा

बेंगलुरु, 22 डिसेम्बर : कर्नाटक आव शनिबारखालि मोन्ने गिदरि लामानि जाब्रबथायाव सा 9 सुबुंफोरनि जिउ गोमायो। कर्नाटकनि सिं आव थानाय बेंगलुरुनि गामियारि ओन्सोल आरो मान्डया जिल्लायाव जानाय आलादा-आलादा लामानि जाब्रबथायाव सानै गथ'फोर आरो साथाम फरयसाफोरजों लोगोसे सा 9 सुबुंफोरनि जिउ गोमायो। गिबि जाथायाव, बेंगलुरुनि बायजो ओन्सोलाव नेलमंगला सहरनि खाथि टि. बेंगलुरुनि साखाथियाव तालेकेरि गामिनि साखाथियाव बेंगलुरु आरो पुणे माहारियारि राजा-लामा-4 आव सा 6 सुबुंफोरा जायगायावो जिउ गोमायो। बेवहाय गंसे कन्टेनर ट्राकआ गंसे कारनि सायाव बेल्थायनानै फेदों, जायनि सिं आव कारआ होसिनजायो। कारआव गाखोनाय गासै सा 6 भुगिनांनय सुबुंफोरा मोनसे



नख'रिनोमोन, जायनि गेजेराव सानै गथ'फोरबो दंफायोमोन। थैनाय सुबुंफोरखौ यगप्पा गल (48), गौरा बाइ (42), दिक्षा (12), जान (16), भिजयलक्षिम (36) आरो आयरा (6) नि मुडै सिनायथिनाय जायो। साफ्रोमबो भिजयपुर जिल्लानि थागिबिमोन। पुलिसआ मिबधि होयोदि, जेव्हा बे दुखुनांथाव जाथाया जादोंमोन अब्लान'खरैनो बिथांमोनहा

भेकेसनआव थांगासिनो दंमोन। जाथाय जानायनि जाहोनाव हादतयारि राजा-लामायाव 10 किल'मिटर गोलाव जामबो जादोंमोन। सौग्राव फेनाया जोबोद गिखंथावमोन, कन्टेनरखौ बोखारो आरो बेनि सिं आव थानाय गोथै सह'फोरखौ हानहरनो थाखाय मोन्थाम क्रेंनि गोनांथि जादों। नख'रनि सुबुंआ 6 दान सिगांसो कारखौ बायदोंमोन। देहा फाहामसालियाव फाहामथाइ

लानाय ट्राक सालायग्रा आरिफआ फोसायोदि, जेव्हा बिथांआ गावनि सिगांनि गंसे कारजों बारग'नो नाजादोंमोन बे समावनो बे जाब्रबथाइआ जादोंमोन। गुबुन मोनसे जाथाइआव शनिबारखालि मान्डयाआ सहरनि खाथि बसगवदानदडडिनि खाथि हादतयारि राजा-लामा 2019 आव सा 3 फरयसाफोरनि जिउ गोमायो आरो गुबुन सासेया जोखोम जायो।

3 लाख रॉनि डाउन पेमेन्ट होनानै टाटा हेरियारनि बेस भेरियेन्टखौ बायनो हागोन

गोदान दिल्ली, 22 डिसेम्बर : भारतयारि बाजाराव टाटा मटर्सनि फारसेनिफ्राय हेचबेक, सेडान, एसइउभि सेगमेन्टआव गारिफोरखौ फान्नाय जायो। जुदि नोंथाडाबो कम्पानीनि मिड साइड एसइउभि टाटा हेरियारि बेस भेरियेन्ट स्मार्ट डिजेलखौ बायनो गोसो जादोंब्ला, 3 लाखनि डाउनपेमेन्ट होनायनि उनाव गारिखौ न'आव लानानै दानफ्रोमबो इएमआइखौ होनांगोन। बबेखाणि टाटा मटर्सनि फारसेनिफ्राय टाटा हेरियारि बेस भेरियेन्ट महरै स्मार्टखौ अफार होनाय जायो। बे गारिनि बेस भेरियेन्टि एक्स शरुमनि बेसेना 14.99 लाख रॉनि बे गारिखौ जुदि दिल्लीयाव बायोब्ला गासै 1.95 लाख रं आरटिआ आरो गासै 71 रोजा रॉनि इन्सुरेन्स होनांगोन। बेजों लोगोसेनो टिसिएस चार्ज महरै 15 रोजा रॉनि चार्जबो लानाय जागोन। बेनि उनाव बेनि गासै बेसेना 17.80 लाख रॉनि खाथियाव



जायो। जुदि नोंथाडा बे गारिनि बेस भेरियेन्ट स्मार्ट डिजेलखौ बायोब्ला बेंकनि फारसेनिफ्राय एक्स भरुम बेसेनावनो फाइनैन्स खालामनाय जागोन। बेबायदियाव 3 लाख रॉनि डाउन पेमेन्ट खालामनायनि

उनाव नोंथाडा गासै 14.80 लाख रंखौ बेंकनि फाइनैन्स खालामनांगोन। बेंकनि फारसेनिफ्राय जुदि नोंथाडा 9 जौखोन्दो सुदजों लोगोसे 7 बोसोरनि थाखाय 14.80 लाख रं होयोब्ला दानफायाव 23,821 इएमआइखौ फेगौ

7 बोसोरनि थाखाय होनांगोन। बेबायदियाव 7 बोसोराव नोंथाडा गासै 5.20 लाख रॉनि सुद होनांगोन। बेनि उनाव कारनि गासै बेसेना एक्स सरुम, अन रड आरो सुदखौ जथाइनानै गासै 23 लाख रं जागोन।

जम्मु-काश्मीरनि बान्दिपारायाव सासे उतखारिखौ हाथियारजों लोगोसे हमदों



जम्मु, 22 डिसेम्बर: सा-काश्मीरनि बान्दिपारायाव रैखाथि हान्जाफोरा शनिबारआव जायगानि उतखारिखौ हमनानै टारगेट किलिनि जाथायखौ फेलें खालामो। हमनो मोन्नाय उतखारिनिआव जेरा सेबनाय सोलिगासिनो दड। खौरॉनि बायदिव्ला, बान्दिपार पुलिसआ माखासे सान सिगां जायगानि उतखारि आफादआव हाबनानै सांग्रां जाना दड। बिसोरो बान्दिपारायाव टारगेट किलिनि

जाथायखौ मोगथां महर होनो हागौ। सन्देह गोनां जायगाफोराव सिग्रोमनाय हाबाफारिया जागायबाय। बान्दिपारायाव माखासे गामिफोर जर'खा नाकाबन्दि लागायनाय जादों। नाकाबन्दिआव सिग्रोमग्रा पार्टिआ सासे सुबुंखौ बैनिफ्राय नुनानै बिखौ थादनो बिथोन होयो। नाथाय बिखौ रैखाथि हान्जाआ उन-उन होसोनानै हमो। बिनि सिनायथिखौ आहमद मालिक होन्ना

मिबथिनो मोन्दों आरो बियो गुन्दपरा रामपरा, बान्दिपारनि थागिबि। बिनिफ्राय गंसे पिस्टल, गंसे हेन्ड ग्रेनेड आरो 15 कारतुस मोन्दों। फार्सेथि एनआइएआ सा-काश्मीरआव हिजबुल मुजारिदोननि उतखारिफोरनि थाखाय हाथियार आरो रॉनि जगायनानै होग्रा सानै उतखारि मददगिरिफोरनि हे'थायै जम्मुआव थानाय जर'खा कर्टआव शनिबारखालि सार्चिशत गथायो। वहिद उल जहुर आरो मुबशिर मकबुल मिरा इन्टारनेटजों लोगोसे गुबुन गुबुन बिजॉनि गेजेरजों जम्मु-काश्मीर आरो पिअकेआ सांग्रां उतखारिफोर आरो बेखौ सामलायगिरिफोरजों सोमोन्दआव दंमोन।

सिनाय मोनै दुथांफोरनि गुलिजों सानै सुबुंनि जिउ गोमादों



पाटना, 22 डिसेम्बर: रजथारविनि पाटनानि दानापुर थाना ओन्सोलनि पेटिया बाजार महल्लाआव शनिबारखालि हरआव छावनी परिषदनि बारग'लेखइ आफादगिरि रन्जित कुमार अरफे दही गप आरो भिकाश अरफे गरख रयखौ सिमाय मोनै दुथांफोरा गुलि गावनानै जिउ

फोजोबदों। बे जाथायाव गरखआ जायगायावो जिउ गोमादों। बेराफार्से दही गपआ गंसे प्राइभेट देहा फाहामसालिआव फाहामथाय लाबाय थानाय समाव जिउ गोमादों। एएसपि भानु प्रताप सिंहआ दही गप थैनायनि खौरां होदों। हरआव पुलिसआ

जाथायसालिनिफ्राय गावखोन्दा गुलि आरो सन्देह खालामथाव थासारिआव लामा सेराव लाखिनानै थानाय गंसे बाइकखौ बोखांनो हायो। आथिखालाव बे केसखौ नायबिजिरनाया सोलिगासिनो दड आरो शूटरफोरनि सोमोन्दै मिथिनो नाजागासिनो दड। पेटिया

बाजारनिनो थागिबि मनज कुमारनि बिफानि सारादु हाबाफारि दडमोन आरो दही गपआ बेयाव बाहागो लानो थादोंमोन। जाथाय जानाय जायगाया बिसोरनि न'खाथियावनो जायो। बेयाव गलिआव गोबां होंगो-दोंगोमोन आरो दही गप आरो गरख रयआ बेयाव गसंनानै बाथा सावरायगासिनो दडमोन। बेनि खबु लानानै शूटरफोरा होंगो-दोंगोआव हावफाना खाथिनिफ्राय दही गपखौ गुलि गावो। बिखौ गरथाम-गरत्रै गुलि गावदों। बेराफार्से गरखनि बिखायावबो गुलि नांङो। जाथायनि उनाव पुलिसआ गरखनि गोथौ सहखौ परस्टमेटमि थाखाय दैथाय हरो। गुलि गावग्रा दुथांफोर साथाम-साब्रै सो जागोन होन्ना

फोरमायनाय जादों। दही गपीआ वार्ड नम्बर 1 नि थागिरिमोन। छावनी परिषद भंग जानायनि जाहोनाव बिनि लेडाइ आफादगिरिनि मासिखौ सेख'दोंमोन। बिहा गोबां रोखोमनि फालागिबो दडआरो बिनि बिसि प्रियंका कुमारिआ नोगोर परिषदनि आफादगिरि मासिनि थाखाय बिसायख'थिबो गेलेदोंमोन। बिसोरहा 10 बेसोरनि सासे फिसलान्जलाबो दड। बे जाथायनि उनाव ओन्सोलाव गिनाय थासारि सोमजियो आरो बेयाव टेक्निकल सेलनि टीमआ सौहैनानै नायबिजिरनो जागायो।

कराचिनि जि गुदामआव गिखंथाव अर खामदों

कराचि, 22 डिसेम्बर: पाकिस्ताननि कराचिआव जमशेद रडआव गंसे जि गुदामआव गिखंथाव अर खामनाय जाथाय सोमजिदों। जेराव गोबां धोन खहा जायो। सुलुंनि बादिव्ला, अर खामनाया ग्राउन्ड फ्लरसिम गोसारदों। बेनि उनाव अरआ सेथि थालायाव आबुडै गोसारो। गासै गं 6 फायर टेन्डर आरो वाटार बाजारखौ जाथायसालियाव दैथायहरो। गोब्राव नाजानायनि उनाव अरखौ सामलायनो हायो। सुलुंनि बादिव्ला, अर खामनाय समाव बिल्डि सिडव रावबो गैयामोन। सिन्धनि गिबि मन्थि मुराद आली शाहआ बिबानगिरिफोरनो जाथायनि सुलुं होनांगोनि बिथोन होदों। इयुआव बेबादि जाथावना जाथायखौ होबथानायनि थाखाय रैखाथि राहाफोरखौ गोहोम गोनाडे सोलिहोनायाव गोखों नोजोर होनाय जादों। से सप्ताहनिबो खमसिन समाव पाकिस्तानआव बेयो नैथि गिदरि अर खामनाय जाथाय। बेनि सिगां 19 डिसेम्बरआव तेजगाम एक्सप्रेसआव अर खामदों मोन, जायजों



दावबायारिफोरनि गेजेराव गोसारदोंमोन। बे जाथाया कट लखपत आरो जिया बग्गा रेलवे स्टेसननि गेजेराव जादोंमोन।

लाहरनिफ्राय कराचि फार्से थांनाय समाव तेजगाम एक्सप्रेसनि ब्रेक बेनआव अर नादोंमोन। जाथाय जानायनि

खौरां मोन्नाय लोगो लोगो दावबायारिफोरा ट्रेनिफ्राय ऑखारजोबो आरो बेयाव रवनिबो जेबो खहा जायाखै।

जार्मानी क्रिसमास मार्केटआव गाग्लोबनायनि जाहोना सोरांआव फैबाय

मेगडेबार्ग, 22 डिसेम्बर : जार्मानीआव मेगडेबार्गनि क्रिसमास बाजाराव सानसे सिगां गंसे कारआ सुबुंफोरनि गेजेराव हाबखावहैना जिउ फोजोबदोंमोन। बे केसखौ नायबिजिरनानै मिबथिनो मोन्दोंदि, गारि सालायग्राया इस्लाम बेरेखा सान्थिमोन। दायनिगिरिया इस्लाम बेरेखा सान्नाय-हनायजों आरो जार्मानीनि माइनिरिटि खान्थिखौबो रागा जॉनानै दंमोन। खौरॉनि बायदिव्ला, गाग्लोबग्राया सासे डक्टरमोन, जायनि क्रिसमास मार्केटआव सुबुंफोरखौ गारिजों सौखांनैनायनि भिडिअया सशेल मिडियाआव गोसारदों। बे जाथाइखौ खालामग्रा डक्टरआ सौदि आर'बनि थागिबिमोन। अदेबानि बिनि



बेबायदि खालामनायनि आन्दोनि थांखि एबा जाहोनखौ मिबथिनो हानाय जायाखै। दायनिगिरि तालेब अल-आब्दुल महसेनखौ पुलिसआ खाबाय। नख'र मन्थि नेन्सी फ्रेजारआ बुंदों दायनिगिरि तालेबनि सांननाय-हनाय

इस्लामफबिक। मेगडेबार्गनि क्रिसमास मार्केटआव सपिं खालामबाय थानाय सुबुंफोरखौ शुकु बार मोनाबिलिनि 7 रिंगासोआव बे डक्टरआ गावनि बिएमडॉब्लिउ कारजों सौखांहोदोंमोन, जेराव सा 5 जिउ गोमादों आरो सा 200

नि बांसिन जोखोम जादों। तालेबआ मार्केटआव 400 मिटारसिम गारिखौ सालायलांबाय थादों। सौदि आर'ब, इटालि, फ्रान्स, ब्रिटेनजों लोगोसे गोबां हादतफोरनि दैदेनिगिरिया बे गारलोबनायखौ सौंखारिदों।

तुर्किआ पाकिस्तानजों जानाय जथुमआव काश्मीरखौ मख'याखै

गोदान दिल्ली, 22 डिसेम्बर: तुर्किआ भारतजों सोमोन्दोखौ साबस्नांहोनो नाजादों। हादरगिरि एर्दगन आरो पाकिस्ताननि गाहाइ मन्थि शाहबाज शरिफआ काहिराआव लोगो हमलायदों। बेनि उनाव फोसावनाय बिबुंथिआव काश्मीरखौ मख'याखै। बेखौ भारतनि थाखाय मोजां खौरां होन्ना गनायना लानाय जादों। तुर्किआ

भारतआव गावसोरनि रांखाथि जौगाखांनयफोरखौ बांहोनो लुबैयो। बेनिखायनो बिसोर भारतजों लोगोसे सोमोन्दोखौ साबसिन खालामनो लुबैयो। बेयो बे बोसोरनि सेप्टेम्बरनि उनाव नैथि खाबु जेव्हा एर्दगनआ भारतनि फार्से गुरे आखु दिन्थियो। डि-8 शिखर जथुमनि समाव तुर्किनि हादरगिरि एर्दगन आरो



पाकिस्ताननि गाहाइ मन्थि शाहबाज शरिफनि गेजेराव बे लोगो हमनाया जायो। मिर्दिनि उनाव तुर्किनि हादरगिरिआ पाकिस्ताननि रांखाथि राहानि थाखाय गावनि मददखौ मख'यो। नाथाय बे बिबुंथिआव काश्मीरखौ मख'याखै। सिगाडाव तुर्कि आरो पाकिस्ताननि गेजेराव जानाय जथुमफोरनि उनाव फोसावनाय

बिबुंथिफोराव काश्मीरखौ मख'दोंमोन। पाकिस्तानआ काश्मीर आयदानि सायाव तुर्किनि मदद हास्थायो। नाथाय आथिखालाव तुर्किनि आखुआ सोलायदों। गनायना लानाय बादिव्ला, तुर्किआ सोनाब एशिया, सा आफ्रिका आरो खोला काके शसआव मख'जाथाव बिफाव लागसिनो दड।

(1 बिलाइनिफ्राय)

बड'फा उपेन्द्रनाथ ब्रह्म सुबुंथिनि फायखि बान्था-2024 खौ नेपाल हादतनि पद्मश्री ...

चान्दामारिआव थानाय बड'फा काल्चारेल कमप्लेक्सआव मोनसे मेहेर गोनां हाबाफारि खुंनयनि गेजेरजौं 21थि उपेन्द्रनाथ ब्रह्म सुबुंथिनि फायखि बान्था-2024 खौ समाज सिबियारि पद्मश्री अनुराधा कइरलानो गथायो। आसामनि केबिनेट मन्थि उखाव गोरा ब्रह्म, दुलाराय बर' फरायसा आफादनि आफादगिरि दिपेन बर', बर' थुनलाइ आफादनि आफादगिरि ॐ सुरत नार्जारि बिथांमोनहा बे सनमान गोनां बान्थाखौ गथायनानै होयो। 21थि बड'फा उपेन्द्रनाथ ब्रह्म सुबुंथिनि फायखि बान्था-2024 महरै पद्मश्री अनुराधा कइरलानो गांसे मान बिलाइ, बड'फा उपेन्द्रनाथ ब्रह्मनि मुसुका, गांसे दख 'ना आरो गांसे जोमग्रा आरो 2 लाख रॉनि चेक बिलाइ होनाय जायो। बे सनमान गोनां बान्थाखौ मोन्नानै अनुराधा कइरलाया गोजोन्नायजौं बे बान्थाखौ गावनो होनायनि थाखाय इउएनबि ट्रास्टनिस्मि साबायखर जासियो आरो बे बान्थाया फैबाय थानाय समाव समाजनि थाखाय बांसिनै खामानि मावनो थुलुंगा होदौं होन्नानै फोरमायो। बिथाइल भारतआवबो सुबुं लांखारनायखौ होबथानो आरो उन्दै हिन्जावसाफोरनि सायाव इनाय-उतखार खालामनायखौ दबथायनो थाखाय भारतनि सुबुंफोरा गोखौं खामानि मावनांगौं होन्नानै खावलायो। आसामनि केबिनेट मन्थि उखाव गोरा ब्रह्मनि मासि सामलायनानै दैदेन्नाय दिनेनै बे बान्था गथायनाय हाबाफारियाव बराय बिबुंथिखौ लाखिदौंमोन ट्रास्टनि मासिगिरि ॐ डिमासा देब्रॉ मुसाहारिआ आरो हाबाफारिनि बेखेव बिबुंथिखौ लाखियो दुलाराय बर' फरायसा आफादनि आफादगिरि दिपेन बर'आ। दिनेनै बे बान्था रान्नाय हाबाफारियाव हांखाय जानाय गहाइ आलासि महरै बाहागो लाफेदौं- उपेन्द्रनाथ ब्रह्म सुबुंथिनि फायखि बान्था मोनगिरि पेत्रिचिया मुखिम बिथांआ। मख 'नाय जायोदि, उपेन्द्रनाथ ब्रह्म फोथाय फुन्जि एबा उपेन्द्रनाथ ब्रह्म ट्रास्टआ देगलायनि 21थि उपेन्द्रनाथ ब्रह्म सुबुंथिनि फायखि बान्थाखौ मुलुंगानाडे मुंदाखा समाज सिबियारि, माइथि नेपालनि गायसनगिरि आरो पद्मश्री बान्था मोनगिरि अनुराधा कइरलानो होनाय जादौं। मानोना बिथांआ सुबुं लांखारनायनि हेँथायै गोखौं खामानि मावनाय, गुबुनखौ हेफाजाव खालामनाय, बिजिनय आरो समानथिनि फासै गावखौ बाउसोमनानै खामानि मावनायनि गेजेरजौं जोबनो गैयै सुबुंफोरनि जिउ एबा थांना थानायनि राहाखौ खालामनानै होनायनि फासै बिहोमा होनायनि थाखाय अनुराधा कइरलानो बे सनमान गोनां बान्थाखौ होनाय जादौं। मख 'नाय जायोदि, अनुराधा कइरलाखौ नेपालनि माडार टेरेसा मुडै बांसिन मिबथिनो मोनो। बिथाइल 1993 आव माइति नेपालखौ गोलामनायनिफ्राय गावनि जिउआव सुबुंथिनि महरै बांसिनै आइजो आरो गथ'फोरनि सायाव उतखार खालामनायनि हेँथायै खामानि मावबोदौं। बिथाइल दासिम सा 50,000 बांसिन सुबुं लांखार जानायफोरखौ रैखाथि होनो हादौं। बिथांनि माइति नेपाल आफादआ जिउ रैखाथि होनाय, थानायनि आश्रय होनाय, समाजआव सांघ्रांथि लाबोनाय, थांना थानायनि जिउ राहा जगायना होनाय बायदि बिथिइव गोखोडै खामानि मावबोदौं। गावखौ बाउसोमनानै समाजनि थाखाय मैखोम खामानि मावबोनायनि थाखाय अनुराधा कइरलानो 2010 माइथायाव सिपनएन हिर' अफ दा थयार बान्था, 2014 माइथायाव माडार टेरेसा मेम 'रियेल इन्टरनेसनेल एवार्ड फर सशियेल जास्टिस बान्था आरो 2017 माइथायाव भारत सरकारनिफ्राय सनमान गोनां पद्मश्री बान्थाखौ होनाय जादौं। बिथांनि बेबायदि समाजआरि फोथाराय मैखोम बिहोमा होबोनो हानायखौ नोजोर लाखिनानै इउएन ब्रह्म ट्रास्टआबो देगलायनि 21थि उपेन्द्रनाथ ब्रह्म सुबुंथिनि फायखि बान्थाखौ अनुराधा कइरलानो होनाय जादौं। दिनेनै बे बान्था गथायनाय हाबाफारियावनो इउएनबि ट्रास्टनि बिबानगिरिफोर, बिटिसिनि मावफुं सोद्रोमा ॐ निलतु स्वर्गियारि, बिकेडब्लिउएसिनि मावफुं सोद्रोमा अनिल बसुमतारि, कक्राइर जिल्ला एबसु, गुबुन गुबुन दख 'रा आरो दालाइसा एबसुनि बिबानगिरिफोर, गुबुन गुबुन सोलौंथाइ फसंथाननि बिबुंफोरा आरो फरायसुला-फरायसुलिफोराबो बाहागो लादौंमोन। ॐ

कक्राइरआव मुलाम्फागिरिफोरनो गोदान ...

जेराव गासै सा 1,316 मुलाम्फागिरिफोरनो रेसन कार्डखौ रान्नानै होनाय जादौं। बेनिनो गसाइगाव बिधान सभा बियाबनिफ्राय सा 526 मुलाम्फागिरिफोरनो गोदान रेसन कार्ड, दतमा बिधान सभा बियाबनिफ्राय सा 200, कक्राइर बिधान सभा बियाबनिफ्राय सा 107, बाउखुंग्रि बिधान सभा बियाबनिफ्राय सा 207 आरो पबंतइरा बिधान सभा बियाबनिफ्राय सा 276 मुलाम्फागिरिफोरनो गोदान रेसन कार्डखौ रान्नानै होनाय जादौं। मागुमारिआव खुंनय बे रेसन कार्ड रान्नाय हाबाफारियाव गहाइ आलासि महरै बाहागो लानानै कक्राइर बिधान सभा बियाबनि एमएलए लरेन्स इस्लारिआ मुलाम्फागिरिफोरनो रेसन कार्डखौ गथायनानै होदौं। गावनि बिबुंथियाव एमएलए लरेन्स इस्लारिआ राइज्योनि गोरिब नख'रनि सुबुंफोरनि थांना थानायनि बेलायाव गोरलै राहा खालामनानै होनो रेसन कार्ड जगायनानै होनायनि थाखाय राइज्योनि गिबि मन्थि ॐ हिमन्त बिश्व शर्माखौ बाख्नायो आरो बे बिथांथिखौ राइज्योनि गुबुन गुबुन जिल्लाफोरखौ लोगोसे कक्राइर जिल्लानि गोबां मुलाम्फागिरिफोरा मोन्नो हानायवा गोजोन्नाय फोरमायनानै जाहाथे गोदानै रेसन कार्ड मोन्नाय मुलाम्फागिरिफोरा जायखि-जाया बिथांथिफोरनि मुलाम्फा मोन्नायनिफ्राय जानगराव थानाइल बेनि फासै गोखौं नोजोर लाखिनो जिल्ला खुंथाइनि बिबानगिरिफोर आरो लोब्बा थानाय बिबानगिरिफोरखौ खावलायो। दिनेनै बे रेसन कार्ड रान्नाय हाबाफारियावनो बिटिसिनि मावफुं सोद्रोमाफोर सायखं बसुमतारि, अरुप कुमार दे, एमसिएलए राजिब ब्रह्म आरो कक्राइर जिल्ला बैंगिरि माचान्दा एम पतिनजौं लोगोसे गुबुन गोबां बिबानगिरिफोरबो बाहागो लाफायो। ॐ

बर' थुनलाइ आफादनि सालबारि जिल्ला ...

फरायसाफोरखौ सालबारि जिल्ला बर' थुनलाइ आफादनिफ्राय बरायनानै मान बाउनाय जायो। बेलासिनि गेवलां मेलखौ बेखेवनानै होयो कक्लाबारि बियाबनि एमसिएलए मन्तु बर'आ। गेवलां मेलव बर' थुनलाइ आफादनि गहाइ नेहाथारि निलकान्त गयारिआ गहाइ आलासि महरै बाहागो लानानै मेहेर गोनां बिबुंथि लाखियो। गेवलां मेलव साहित्य एकाडेमि बान्था देहागिरि गबिन्द नार्जारि, बिटिआरनि मावफुं सोद्रोमा गौतम दास, बर' थुनलाइ आफादनि बारा' नेहाथारि उपेन्द्र बर' देउरि, सालबारि बियाबनि एमसिएलए जय मुसाहारिमोनहाबो बाहागो लानानै बिबुंथि लाखियो। गेवलां मेल जगायनायनि सिगां सालबारि जिल्ला बर' थुनलाइ आफादनि आफादगिरि डम्बरधर बसुमतारिआ आफादगिरिनि बिबुंथि लाखिनायनि उनानो बराय बिबुंथि लाखियो बान्था आफादनि आफादगिरि गनेश चन्द्र बर'आ। मख 'नो गोनांदि, गेवलां मेलव सालबारि जिल्ला बर' थुनलाइ आफादनिफ्राय जाकांफु लिरगिरि महिमा बसुमतारिनो '' आबौ खबाम राजा उत्तम चन्द्र खेरकातारि थुनलाइयारि बान्था'' आरो जाफुंसार फरायसा प्रकाश बर'नो 'समाज सिबियारि मेब्लाराम बर' गोसोखांथि सोलौंथायारि बान्था'' गथायनाय जायो।

सत्यप्रिया ब्रह्म पाटगिरि

जौंनि आइ होन्नाय बाश्रया एरैनो गेदेर बाश्रा। बे आइयानो जौंखौ उजिहोनानै गावजौं दोनफानानै, गावनि आहारखौनो दोनानै, बाश्रा फोरनानै, गावजौंनो रायलायनो गोरौं खालामनानै, गावनिनो मुं आवरायनो गोरौं जाहोनानै गावनि खुसिखौ गावनिवावनो देखानानै लादौं। आखांथि फारनैजौं बजबनाय आइनि दुब्रुद बिखा बाइदि थख'से जायगा जौंनि जिउ देरहासादिन खरं। महाकालनि निष्टुर राफोद आखाइयाबो सोरखिनो हाया आइयै, नौनि सोरजि खरंखौ सोरखिनो हाया आइयै दुखु लैथोनि मोदैयाबो आइयै नौनि दुब्रुद बिखा हुलेगासेयैनो रानखांलाडे। बिनिफ्राय आइयै जैरौबो सां राफोद आरो निजोम। गिया, मेड। नौनि मिलौंहाब देखौ आइयै नौनि बिखा गोबौनि उपले उफले बेसेदि मिनि रंज। नौं बेसे रंजसुलि आइयै, नौं बेंसुलि, नौं अन्सुलि, नौं अनफावरि। नौनि मिलौदो गारां आइयै अरायबो रिखाडे। रिखांलाडे जेरावबो, जैरौबो, रोमै रोमै, नुफा खोनाफा। जौंनि गोबौंयाव बइनिबो गोबौंयाव आइ बिमा नौं थान्दै निन राजानि फुंखादि नोडे राव मिलौहाब बेरे मोदैनि। बिमा गुरु आइ नौं, गियान गुरु, दीक्षा गुरु, जेनिबो गहाम गुरु। नौनि मिलौदो देखौनि सल' खहाबनाय रिमोनसन खबामजौं सोजिगिरि आनान गसाइनि, गोमोथाव सोमोनांथाव

साहित्य अकादेमी आरो दतमा थुनलाइ गथोन हान्जानि ...

कक्राइर जिल्ला सोलौंथाइ बिफाननि डिस्ट्रीक प्रग्राम अफिसार जशमनिक ब्रह्म बिथांआ। थुनलाइ गथोन हान्जानि बोसोनगिरि मिरा ब्रह्मनि मासि सामलायनाय बे हाबाफारियाव बराय बिबुंथिखौ होयो साहित्य अकादेमी बर' सुबुरुनारि आफादनि सोद्रोमा साधना ब्रह्मआ। बे हाबाफारिआव गहायै सुंद' सल' आरो खन्थाइ फरायथिगिरि महरै बाहागो लादौंमोन अनिता ब्रह्म, बिलिफां दैमारी, माहिना ब्रह्म, मुक्ता मुखि बसुमतारि आरो निजोम कुमार ब्रह्म बिथांमोनहा। बेजौं लोगोसेनो हाबाफारियाव बाहागो लाफेदौंमोन साहित्य अकादेमी लाइमोन बान्था मोनगिरि जैस्त्रि बर', रावसोलायनाय बिजाबआव साहित्य अकादेमी बान्था आवथायगिरि रंगिना दैमारी, दतमा दख 'रा दुलाराय फरायसा आफादनि आफादगिरि लैहोर ब्रह्म, लेइइ आफादगिरि जोंसार ब्रह्म, बेजौं लोगोसे थुनलाइ गथोन हान्जानि माखासे सोद्रोमाफोर, गुबुन गुबुन आफादनि सोद्रोमाफोर, गुबुन गुबुन फरायसालि आरो फरायसालिमायाव फरायनाय फरायसाफोर लोगोसे बिबुंगोरा बिथांमोनहा। हाबाफारिनि जोबनायाव दतमा दख 'रा हारिमु आफादनि आफादगिरि दैकुंखा खुंगु ब्रह्मआ बयनिस्मिबो साबायखर बाउनानै हाबाफारिखौ थुगे होयो। ॐ

चिरां जिल्लायावबो मुलाम्फागिरिफोरनो गोदान ...

रान्ना होयो। बेनिनो चिदली बियाबाव गासै 2,319 रेसन कार्ड रान्नाय जायो। गुबुन फारसेथिं बिजनी बियाबआव 501 रेसन कार्ड गथायो मुलाम्फागिरिफोरनो। आद्रा थानाय 2,183 खौ माखासे साननि गेजेराव होनाय जागोन। गोदान रेसन कार्ड होनाय समआव एम.एल.ए. निर्मल कुमार ब्रह्मआ गावनि बिबुंथियाव गिबि मन्थि ॐ हिमन्त बिश्व शर्माखौ बाख्नायनायजौं लोगोसे गोदान रेसन कार्ड रान्नाय बायदि हाबाफारिनि गेजेरजौं सुबुंफोरनि जिउखौ जौगाहोनो सरकारआ खोथा होनायनि सायाव फोरमायो। बिथाइल बिटिआरनि गहाइ मावफुं सोद्रोमा प्रमद बर 'नि दैदेन्नायाव बिटिआर ओन्सोलआव रावबो गैजारोडै सुबुइल उनफिननानै थाया होन्ना फोरमायो। चिरां जिल्ला कमिसनार जतिन बराआ बिथांथिनि सायाव गुवारै खेंफोरथि होयो। जिल्लानि काजलगाव आरो बिजनीआव खुंनय बे हाबाफारियाव जिल्ला खुंथाइनि मावख'गिरिफोरनि अनगायैबो गोबां मुलाम्फागिरिफोरा बाहागो लायो। ॐ

बासबारि दख 'रा एबसुनि खुंगा 1 6थि बोसोरसालिया ...

गुवार फोथारआव साननैनि हाबाफारि लानानै खुंफुनाय जायो। दिने नैथि एबा जोबथा साननि हाबाफारि बायदिथै फुंबिलि समआव आफादनि फिर्फिला बिरहोनाय गोथार आर 'ज मेथाइ रोजाबनायजौं हाबाफारिया जागयो। हाबाफारि बायदिथै सानजौफु समाव मोनसे मेहेरगोनां गेवलां मेल लानाय जायो। मेल बेखेवगिरि महरै बाहागो लायो कक्राइर जिल्ला एबसुनि आफादगिरि कुफेश दैमारि बिथाइ। बेखेवगिरि आलासि महरै बाहागो लानानै आधिखालनि बर' समाजनि थासारि, बर' बिजोनि जेना, आधिखालनि फरायसाफोरा बबे लामाजौं, आधिखालाइ लाइमोनफोरा बबे लामाथिं थागासिनो दं, गासै बिथिंफोरखो नोजोर बोनानै गेबें आरो गुवार बिबुंथिनि गेजेरजौं बेखेवना होलाडे। बे मेलआवनो गहाइ आलासि महरै बाहागो लायो दुलाराय बर' फरायसा आफादनि लोगो आफादगिरि खोरोमदाव औवारिआ। गहाइ आलासि महरै बाहागो लानानै आधिखालाव एबसुनि हाबा मावनाय, बर' हारिखौ गेरमसा हारि दनाय, लाइमोनफोरखौ सोलौंथाइ लानायाव गोसो होनाय, बि टिआर गोजोनो गोरबेथानि बागैबो गुवारै फोरमायनानै होलाडे। लोगोसे लाइमोनफोरखौ सोलौंथाइ लानायाव गावखौ बावसोमनो खावलायो। बे मेलआवनो जर 'खा आलासि महरै बाहागो लायो बर' सावथुन मुलुगनि फेस्ला फावखुंगु दैमासा (मेनदेला) ब्रह्म, माननि आलासि महरै बाहागो लायो दुलाराय बर' फरायसा आफादनि सुबुं फोनांजाव नेहाथारि सोमदोन ब्रह्म, कक्राइर जिल्ला एबसुनि सुबुं फोनांजाव नेहाथारि हांगामा नार्जारि आरो लोगो गेलेमु नेहाथारि सानसुमा नार्जारिआ। बे हाबाफारियावनो माननि आलासि महरै ओन्सोलनि गोबां सानसुमैफोरजौं लोगोसे राइजो-राजाफोरनि बाहागो लानायजौं बासबारि दख 'रा एबसुनि 16थि बोसोरसालिया जथुम्माया मेहेर गोनाडे जोबलाडे। ॐ

सोलिफु राइज्यो सरकारनि आमोलाव लखिमपुर आरो धेमाजिया जौगाखां जिल्ला गनाय ...

जागयनाय बिथांथि 'नि सिइव गाव सुंथा हान्जानो गुदि धोन गथायनानै होयो। बे हाबाफारियाव गिबि मन्थि ॐ शर्माआ लखिमपुर जिल्लानि सा 4,524 दाहार आजावनाय आइजोफोरनो माइक्रफाइनैस दाहारनिफ्राय होनो गैयै फोरमान लाइ गथायनायनि हाबाफारिखौ जागयो। बिसोर मुलाम्फायारिफोरनि जानानै आसाम सरकार 14 कौटि 11 लाख रॉनि दाहार सुख 'नायनि राहा खालामो। बेराफासै जिल्लायाव 2024 माइथायाव दै बानाजौं थालायै खहा जानाय मोन 28 नख 'रफोरनि गेजेराव 33.6 लाख रॉ आरो खावसेयै खहा जानाय मोन 11 नख 'रफोरनि गेजेराव 44 रोजा रॉनि अन्सुंथाय रान्नानै होनाय जायो। बेनि गेजेरजौं सा 22,136 मुलाम्फायारिफोरा मुफ्फा मोन्नो हायो। बेनि अनगायैबो 'गहाइ मन्थि फिसा आदार सोदनाय उद्यग बिथांथिनि आसाम सरकार लखिमपुरनि आसाम राइज्योआरि ग्राम्य जीबिका बिथांथिनि सिइव थिसन जानाय मोन 354 गाव सुंथा हान्जानो 1.27 कौटि रॉनि जागयनाय गुदि धोनखौ दाहार हिसाबै गथायनाय जायो।

राइज्योनि मोन 37 बिधान सभा बियाबनि थाखाय गोदान रेसन कार्ड रानफुनायनि नैथि खोलोबनि हाबाफारिखौबो गिबि मन्थि शर्माआ बेखेवनानै होयो। बे बिथांथिनि गेजेरजौं 5 लाखनि बांसिन गोदान मुलाम्फायारि आरो नै खावसे लाख नख 'रफोरा मुलाम्फा मोनगोन। गोदान मुलाम्फायारिफोर फैगौ बोसोरनि जानुवारि दाननिफ्राय गहाइ मन्थि निखावरि अन्साय आदार बिथांथिनि सिइव बेसेन नाडै माइरं मोन्नो हासिगोन। गिबि मन्थि ॐ शर्माआ लखिमपुर जिल्लानि पानीगाव खारकाति आहमनि मिरिगाव लामानि फटासुति रडनदी सायाव लुफुनाय गंसे दालांखौबो बेखेवनानै होयो। बे दावबायनाय समावनो गिबि मन्थिआ बगीनदीआव लुनो लानाय आलासि न'नि अन्थाय खाम्फाखौबो गायसन्नानै होयो। जिल्लानि सिइव थानाय लामा-दालांफोरनि जेनाफोरखौ लासै लासै बोसोनायनि बिथांथिनि लानाय जादौं होन्नानै बुडे।

गिबि मन्थि ॐ शर्माआ बुडोदि, - राइज्योनि दरफोमबो जिल्लायावनो बुलुंबुथुरनि सायाव गंफायै दालां, फाहामथाय फरायसालिमा जाबाय आरो दरफोमबो जिल्लायाव गंफा गंफा मुलुगसोलौंसालि गायसन्नायनि हाबाया जागय जेनबाय। फैगौ बोसोरथाम बोसोरखैनि गेजेराव राइज्यो सरकार सोलायस्कुं मोखां फासै आसामखौ लानानै थांबाय थानाय जादौं। मोनसे समाव आसामनि बयनिखुइबो गोल्लैसोसिन्नाय जिल्लायानो जादौं बुलुंबुथुरनि सा बाहागोयानोमोन होनाय आधिखालनि राइज्यो सरकारनि समाव लखिमपुर आरो धेमाजिखौ जौगाखां जिल्ला महर होनो हानाय जाबाय होन्नानै बिथाइल बुडे। दिनेनै बे हाबाफारियाव एमएलएफोर- अमिय भुजा, नब दले, मानब देका, मिसिं गाव खुंथायनि गहाइ मावफुं सोद्रोमा परमानन्द चायेडिया, बुंथिगिरि सुनिल पेगु, देउरि गाव खुंथायनि गहाइ मावफुं सोद्रोमा भैरव देउरिमोनजौं लोगोसे गोबां मान गोनां सुबुंफोरा बाहागो लादौंमोन। ॐ

चिरां जिल्लाआ आध्यामिकनि मोनसे थावनि, बेखौ पिकनिक स्पटफोर खुलिनानै दंश'

बाहागो लायो मिरु एबसुनि बुंथिगिरि अबित नार्जारिआ। गहाइ बुंथिगिरि महरै बाहागो लानानै बिथाइल एबसुआ गुणगोनां सोलौंथाइ, समाजारि थासारि, माहारिबाद आरो बि.टि.आर. गोरबेथानि सायाव गुवारै बिबुंथि लाखिनानै सिरां जिल्लाया आध्यामिकनि मोनसे थावनि बेखौ पिकनिक स्पटफोर खुलिनानै दंश' दाखालाम होन्नानै राइजोफोरखौ थांखिनानै बुडे। गेवलां मेलआव दख 'रनि 6थि बिसम्बि 'आगान'खौ बेखेवनानै होयो साहित्य अकाडेमि बान्था मोनगिरि हरिनारायन खाखारिआ आरो माननि आलासि महरै मिरु एबसुनिफ्राय लोगो थुनलाइ नेहाथारि ॐ सिबिसन नार्जारि, चिरां जिल्ला एबसुनि बिबानगिरिफोर, गागि थुनलाइगिरि आरो साहित्य अकाडेमि बान्था मोनगिरि रादा देबजिद ब्रह्म, ओन्सोलनि फोरंगिरि, मेलेमजिबि आरो राइजो-राजाफोरनि बाहागो लानायजौं काजलगाव दख 'रा दुलाराय बर' फरायसा आफादनि खुंगा 20थि बोसोरसालिया जथुमा आरो उजान बाजार दालाइसा एबसुनि 23थि बोसोरसालिया जथुम्माया मेहेर गोनाडे जोबलाडे। ॐ

'जाफा एचिभार्स बान्था-2024' मुंनि बान्था गथायनाय फोर्बोआ जाफुंसारै जोबलांबाय

समाजनि गुबुन गुबुन बिथिइव हाबा मावबोनाय सुबुंफोरनो 'जाफा एचिभार्स बान्था'(जाफा एचिभार्स एवार्ड) मुंनि बान्था होबोदौं। देगलाय एबा 2024 बोसोरनि थाखायबो 'जाफा एचिभार्स एवार्ड' मुंनि बान्थाखौ खौरंगिरि, फालांगिरि, समाज सिबियारि, देहा फाहामगिरि आरो राजखांथि बायदि बिथिइव बान्था गथायनाय जादौं। दिने गुवाहाटीनि दिसपुरआव थानाय पाब्लिक वर्कस बिफाननि अडिट 'रियाम हलआव जार्नलिस्ट एस 'सिएशन फर आसामआ बान्था गथायनाय हाबाखौ जाफुंसारै खुंफुनाय जायो। बे हाबाफारियाव बान्था मोनगिरिफोरा नयनज्योति सइकिया (डे 365), बिस्वजित नाथ (फ्रिलान्स), भिकास शर्मा (निउज लाइभ) आरो कुन्तल चक्रभर्ति(समइक प्रसंग)नि अनगायैबो गोबां गुबुन बिभुंफोरखौ दिने जाफा एचिभार्स बान्था होनाय जादौं। सावगारि रादाब बुधुमनायनि थाखाय धनीराम कलिता(असमीया प्रतिदिन) आरो भिडिअ जार्नलिज्मनि थाखाय रामु बासफर(प्राग निउस)नो बान्था होनाय जादौं। खौरां एंकरिनि थाखाय मुनमि बरा(एनबि निउज) आरो गेलेमु रादाब बुधुमनायनि थाखाय पबित्र गगै(दैनिक जन्मभुमि)नो जाफा एचिभार्स बान्थानि थाखाय सायख 'नाय जादौं। स्रेल जार्नलिज्मनि थाखाय कुलेन्द्र सइकिया(एनडि 24), निजोम दैमारि (हायेनिन रादाब), इजाजुल हक(एनडि 24)नो बान्था होनाय जादौं। गुबुन फारसेथिं देहा फाहामथायाव गुवाहाटीनि जि.एन.आर.सि. देहा फाहामसालिनि प्रतिमा ईथिपी(डिफु), थुलुंगाहोरा सुबुंफोरनि थाखाय मनिराम रंहा(डिफु), समाज सिबिनयनि थाखाय फारियै-आसुतोष दास (सिलचर), यगेन्द्र शर्मा(दरं) आरो जैकलीन इस्लाम(गुवाहाटी)नो बान्था गथायनाय जायो। दावगालु लाइमोन दैदेनगिरिनि थाखाय मनज बरुवा (राजखांथिगिरि) आरो रेजाउल करिम सरकार (बडइगाव)नो खौसेथिनि थाखाय बान्था होनाय जादौं। बे हाबाफारियाव नैजौसो सुबुंफोरा बाहागो लादौंमोन आरो बेवहाय जाफानि मिरु गहाइ नेहाथारि कुन्जमहन रायआ बाहागो लादौंमोन। बे हाबाफारियाव जाफानि मिरु आफादगिरि अंधिदीप चौधुरी, मुंदाखा खौरांगिरि प्रणय बरदलइ, सन्जिव फुकन, नरेन हाज'रिका, चन्द्रकुमार सइकियाजौं लोगोसे गोबां सानसुमैगिरिफोरा बाहागो लादौंमोन। ॐ

सासे गथ 'नि थाखाय गोदैसिन राव-बिमानि

राजा-रानीनि, जोहोलाव जोहोलावजोफोरनि, गिथाव बाथाव जिब-जुनारफोरनि, निरिख ज'यै दाउसेन-दावला, एमफौ एनला बाइदि बाइदिफोरनि । नौनि गुँये मिहि आखायजौं, दानाय बिलिरनाय, बुदुं-बुदुं, गेवहां गेवहां थान्द' थान्द', मिलौनाय गारांजौं खोनानो मोनो जेला बैफोर सल'खौ अब्ला बिरलाडे जौंनि गोरलै गोसोनि सानबोलावरीआ मिबथिस'यै, मोनसेयै सिनायनो हायै बबेबा राइज्योयाव आलो आलो, रोमै-रोमै। बिनिफ्राय ? बिनिफ्राय आययै जौं निन राजानि मुलुक संसाराव दावबायहैयो। खोमसि बिमानि हरखौ बिबिनो सुखु-गोजोनै बिदाय हरो। आरो हरबोगासिनो दं। बिलिफां हर। रुंगु उसिफाव खोमसि अखाफोरखौ खोमसिया लाजिदौं। न'-न' एब्रदौं, जायगा दावफा आवपिनो हास्थायदौं। दानस्रां अखाफोरखौ खोमसिया बिबिनो लाजियो, जायगा जायगा गियोबो। बास' बालन्दा! मानोबा बिजि खान्दा नागिरनो बे दानस्रां अखाफोर जौनायजौं। मिज्लौ मिज्लौ सासु मासु हनै सांग्रेमाफोराबो लाजिसोगारदौं। बे निजोम बुब्लियाव हा फिसा हौवा दावया दुखुनि मेथाय रोजाबदौं सोदनो बबेबा मोनसे खाननिफ्राय। हरनि सम रावबो खोनानाय नड सान्नानै। गोबौनि दाहाखौ रावनोबो रायफोरनो

बानानै। हा फिसा हौवा-सोर बिमानि फिसा हौवा बबेयावहाय मा जाहैखो, बेसो माथा रिहाबजासे हसिखावदौं खोना हैगोस्ला सान्नानै, एसे सौंह'रौगाब ननानै। बिबिद दुखुनि देखोयानो रिखांबोयो बबेबा खाननिफ्राय, रिंलाडे दुखुनिखबाम दोहौं दोन्नानै बबेबा ख'नाथिं। बैसोमुथि बिमानि मोजोमनानै लानाडे हा फिसा हौवा दाउनि गासै दुखु जालाखौ। अब्लाबो सान्श्रहायै बिमाफ्रा खोनानानै बिसोरनि बिखा खायसेब मोन्दौं। बिसिबां बिमानि गान्दु सिरलाब लादौं दुखुनि दुबुद मोदैजौं। आइनियावबो दुखु फेयो अखनबा हरखाब आरो अखनबा नुखा-खोनाखा। आइयाबो सिनायफलेबाय मुलुगनि फाश्रा लुतसा, साधु-सन्यासी, मोजां-गात्रिनि फाराग मेगनि नोजेराव, खोथा बाश्रायाव फाव-फेसनाव। आइआबो साग्रां आरो साग्रिद जायो। जान्जि खाफ्रायो। मिबथिस्लाबै आइनि बिखाया दा दसा जायो। मोकथानि निष्टुर कालजौं जुजियो, आइया जेन। आइया देरहासाद। दा आइआ माया मोनथिनाया माखौ बुडे बेखौ मिबथिसिगौ। मोजां-गात्रि गुदुं-गुसु बेखौबो मिबथिसिगौ। मेगन मोबायजौं नुब्लानो बिनि आखल आखुया मा बायदि बेखौ बुंनो हासिगौ एसेबो फेलें थाडजासे। आइआ मानसि मिथिंगाखौ नोजोर होनो हाजोबगौ, रंजोबगौ। नाथाय आइआ जादु रोड, मन्त्रबो रोड, आइआ अजा बुँरेबो नड। आइनि साग्रां आरो राफोद

देहानि दुंखानाय थैजौं दुखुनि सायखड आवलियो, रानखांलाडे। फिसानि सायाव बिबिद खोमसि सायखड दागोसलैथौं होन्ना हास्थायनानै। आइयाबो फिसाखौ लानानै माबा सानहाबदौं मोथो मोथो। माबा सिमां नुदौं गोदो गोदो। आइनावबो थांखि दड। आइया गिया, फावसाया जेना। आइया जैरौबो हुसियार, दावगालाडे जेजाबोर सौसि सौसि गावनि थांखिसिम। आइयै, सोरांबाय ? औं आफा, सिखारदो,-आइया बुंबाय। दावज्ला गेसेरबाय। सानजाथिं सान ओंखारगोननि सम सौंबाय। गाइहेन उवालनि सिनायफलेनाय सोदोव। जैरौबो दुम दुम-दाम-दाम रिखांबोयो। थांनानै थानांगौनि सिगांसिन दावहा। बेबो आखायजौंनो। फिसानि थाखाय, नख'रनि थाखाय गावनि थाखाय। पुष-माघ दाननि ख'खाब मावलायनाय पुसुवा आइखौ जेबो खालामनो हाया। आइया बिबिद गुसुखौ गुसु होन्ना साना। दावज्ला गेसेस्लाबैयावनो सिखारनानै माय सौयो, सिश्ला सिबो, दुगौयो, धुप धुना सावयो, इशोरखौ खुलुमो। फिसाफोरखौ जाहोस्रां-लौहोस्रां मिनिखुसि माबा फेरलेबसे खुगायाव सोयो मिनिखुसि। मिनि बाला बाला आइया फुटि। आइया बेसे फ्रद, बेसे राफोद, बेसे आखल-आखु, फाव-फेसन, आइ बिमा नौनि लोगोसे गोदैसिन राव बिमानि। ॐ

गाहाम देहानि राहा

फाथै बिलाडजों हाइ इउरिक् एसिडनि जेंनाया जानगार जायो

फाथै बिलाडखौ गोजान समनफ्रायनो माउथ फ्रेसनारनि महरै बाहायनाय जायो। फाथै बिलाडखौ जानायजों फ्रेस फिलड खालामो। फाथै बिलाडखौ जानायजों देहायाव बायदि बायदि रोखोमनि मोजां मुलाम्फाखौबो मोनो हायो। फाथै बिलाडआ बडिडिट'क्सि फिकेसनआव मदत गोनां जायो। फासैथिं फाथै बिलाडया इउरिक् एसिड बायदि गोखैये बांग्रा बेरामयाव मोनसे आयुबैदिक बायदि हाबाफारि मावो।



अरगिलनोबो हायो। बेजों बायदि रोखोमनि गुन फोरखौ मोनो हायो।

(2) गोजाम समनफ्रायनो फाथै बिलाडखौ लोमजानाय, गगा मोन्याय गुनुनाय, बिखा आलौनाय आरो हांलानायजों सोमोन्दो गोनां जेंनाफोरनिफ्राय रैखाथि मोनो थाखाय बाहायनाय जायो। जाय सुबुंफोर हांलानायनि जेंनाजों भुगिनाडे बैसोर सुबुंफोर फाथै बिलाडजों लोगोसे लंहोनाने दैआव फुदुंनंगो आरो लौंनंगो। बेजों गोबां रेहाय मोनो हायो।

(3) जाय बिमाफोर गाव गावनि फिसानो गाइखेर

दौनायाव जेंना सोमजियो आरो बेनि जाहोनाव ब्रेस्टआव बुखानायनि जेंनाया सोमजियो बैसोर सुबुंफोरा फाथै बिलाडखौ गरम खालामनाने ब्रेस्टआव दोन्ना लानांगो। बेजों बुखानायाव रेहाय मोनो।

(4) खर गिदिनाया आथिखालनि समाव सरसन्ना बाथ्रा जादौनाने फैबाय। बे बायदिआव खर सानाय एबा गिदिनिफ्राय रैखाथि मोनो थाखाय फाथै बिलाडखौ दैआव सोमनाने खरआव होना लानांगो। बेनि अनगायै फाथैनि थावजोंबो खरखौ नाना लानो हायो।

'मुफासा दा लायन किंग' सावथुननि नैथि साननि कालेक्सनखौ फोसावबाय

'मुफासा दा लायन किंग' सावथुननि थियेटरआव नुजाथिफैनाया दिने नैथि सान जाबाय। सावथुनआ ट्रेलार रिलिजनि उननिफ्रायनो खौरांआव थाबाय थादौमोन। अन्साइगिरिफोरा मुफासानि सल'खौ मिबथिनो थाखाय जोबोद एक्साइटेड जादौमोन। आथिखालाव गमामायैनो सावथुनआ सिनेमाहलफोरव दि नि थु ज बा य। नायगिरिफोरनिफ्राय बे सावथुनआ जोबोद मोजां रिस्पन्सबो मोनगासिनो दड। बेनि गेजेराव जागायजेन्नाय सानआव सावथुनआ बक्स अफिसआव 10 कौटि रानि बिजनेस खालामदौमोन। अदेबानि, दा नैथि साननि अन्जिमाखौबो फोसावबाय। 'दा लायन किंग' सावथुननि



रिलिजनि 5 बोसोर उनाव आथिखालाव 'मुफासा दा लायन किंग' खौ मुलुगनाडैनो रिलिज खालामबाय। अन्साइगिरिफोरनि गेजेराव एक्साइटेड लेभेलखौबो बांन्या नुनो मोन्दौ, मानोना बेनि हिन्दी भार्जनखौ किं खानआ गावनि गारां होदौ। बेनि जाहोनावनो नायगिरिफोरा बेखौ कानेक्टेड फिल खालामनो हादौ। बेनि अनगायै माखासे फावफोरव बिथानि सानै फिसाज्जायाबो

गारां होदौ। रां आरजिनाय बिथिंआव बाथ्रा सावरायोब्ला, गिबि सानआव बे सावथुनआ 10 कौटि रानि बिजनेस खालामदौमोन। नैथि साननि उइकेन्डनि मुलाम्फाखौ लानाने सावथुनआ 14 कौटि रां आरजिदौ। सेकनिलकनि रिपर्टनि बायदिब्ला, नैथि साननि कालेक्सनखौ जथायनाने बे सावथुनआ गासै 22 कौटि रानि बिजनेस खालामबाय। अबराम आरो आर्यानि अनगायैबो

देंखोगिरि महम्मद रफिनि माखासे बाथ्रा बेरखांदौ



महम्मद रफिनि गारांनि जादुआ औरैबायदि जे बिथानि मेथाइखौ माब्लाबाबो गोजाम बायदि मोना। महब्वतनि टिउनआनो जा एबा विरहनि दुखुआनो जा रफि साहाबनि गारांआ गासै बिथिडववो गोजोन होदौ। मिलौदो मेथाइ खनगिरि महम्मद रफिनि जोनोम सानाव बे जर'खा देंखोनि सारि खेडन डे दिन चार नि माए खेडन डे दिन चार। बेयो बै मेथाइ जायखौ कटला सुल्तान सिंहाआ माखासे कफिरफोर रोजाबोमोन आरो महम्मद रफिआ बिसोरनि उन उन थाडोमोन। बिसोरो माखासे जाहोनाव गोबां खेब

नुजाथियोमोन। बाथ्रा भावखौ नायोब्ला महम्मद रफिआ गासै सानब्रैसिमबो थानाने आंखौ आंनि उनाव मुलुगा नागिरगोन होन्ना बुंदौमोन। थारैनो बे बाथ्राया अमर जानाने थाबाय। बे बाथ्रानि सायाव बयबो गनायोदि, फावखुं'गुरनि थाखाय खावसे खामानिखौ रफि साहाबआ खालामखांबायमोन। शम्मि कापुरनि थाखाय आलादा स्टायल, जनि वाकरनि थाखाय आलादा ऋषि कापुरनि थाखाय आलादा आरो प्रदिप कुमार एबा जय मुखार्जिनि थाखाय आलादा। खुसिनफ्राय लानाने दुखुसिम मोनफ्रोम खाबुनि

थाखाय जेरै बिथानि गारांआ गोदान महर लायोमोन। बै समाव मुंदांखा गारांखौ मुकेश, मुन्ना डे, तलत महम्मद गासैबो बिथानिखौ सन्मान होयोमोन। शम्मि कापुर बिथानिआथ'रोखायैनो बुडोमोन जे गावनि सावथुनफोरव मेथाइखौ महम्मद रफिआनो खन्नांगो।

अक्षय कुमारनि गोबां सावथुनफोरा 2025 माइथायाव रिलीज जागोन

अक्षय कु मारखौ बलिउडआव थिलाडी कुमारनि मुंजोंबो मिथिनाय जायो। हिन्दी सावथुन नायनो मोजां मोनग्रा सुबुंफोर बिथानि कमेडि आरो एक्सन जनारनि सावथुनफोरखौ जोबोद मोजां मोनो। 2024 माइथायाव अक्षयनि बांसिन सावथुनफोरानो जाफुंसारनो हायाखै। बक्स अफिसनि कालेक्सन हिसाबै बुंनो हायोदि, बिथानि माखासे सावथुनफोर फलप जादौ। अदेबानि फेगौ बोसोरव अक्षयआ सावथुन नब्लांफोरव नायगिरिफोरनि

डायरेक्टर अनिल धर्मेन्द्रजों लोब्बा थानाय मोनसे मुजिथावना बाथ्रा शेयार खालामदौ

मुंदांखा फावखुं'गुर धर्मेन्द्रआ हिन्दी सावथुनाव मोजां एक्टिं खालामनायजों लोगोसे गावनि चार्मनि थाखायबो मिबथि जायोमोन। गावसिनि समाव साफ्रोम हिन्जावफोरनि खुगायाव फावखुं'गुरनि मुंआल'थायोमोन, बियो बिथानि हेन्डसाम लुकनि जादुआनोमोन। जे बिथानि एसेबां पपुलार बानायदौ। बिथानिआ जेब्लाबो सावथुननि सेटआव रंजायो, जंखायलायोमोन। बावैसो सिगां 'गदर 2' नि डायरेक्टर अनिल शर्माया धर्मेन्द्रजों लोब्बा थानाय मोनसे मुजिथावना बाथ्रा खोनासहोदौ। अनिल सर्माआ देअल नख'रजों लोगोसे माखासे सावथुनफोरव खामानि मावदौ। बिथानि बिथानोमोनखौ जोबोद मोजाडैनो मिबथियो। बावैसो सिगां बिथानि 'अपने' सावथुननि सेटजों लोब्बा थानाय मोनसे बाथ्रा मिबथि होदौ, जेराव धर्मेन्द्र आ गावनि फिसाज्जाफोरनि एफेयारनि सोमोन्दे बाथ्रा सावरायबाय थायोमोन आरो सानि आरो बबिआ खोनाजोबो। अदेबानि



बे सावरायलायनाया सिद्धार्थ कन्ननजों लोगोसे सावरायलायनायमोन, जेराव अनिलआ बुडोदि, बिथानिआ भेनिटि भेनिनि बै समखौ गोसोखाडे जेब्ला फावखुं'गुरआ

गावनि फिसाज्जाफोरजों जयै जिरायनाने दडमोन। अब्ला बिथानिआ बुडोदि, आंनि फिसाज्जाफोर जोबोद सिधा। अनिल शर्माया मिबथि होयोदि, धरम जि, सानि, बबि आरो आं

साब्रैजों जयै भेनिटि भेनआव दडमोन। धरमजिआ बुडो आंनि फिसाज्जाफोर जोबोद सिधा। नाथाय बिथानिआ सेन्स गैयामोन जे सानि आरो बबिआबो बेवनो दं। धरमजिआ आरोबाव

बुंवावोदि, बिसोरोहा माखासे हिरइनफोरजों माब्लाबाबो मोजां मोनलायनायाव गोर्लैयो। बिसोरो सानैबो माखासे गिदिर हिरइनफोरजों खामानि मोनो अब्लाबो जेबो जाया। आंनि समआव गासिबो हिरइनफोरानो आंनि उन उन फे बाय थायोमोन। बेखौ खोनानाने अनिल शर्माया मिनिनो हमो, सानि आरो बबिआ लाजिनाने थाबैनो भेनिटि भेनिफ्राय बायजोआव ओंखार बोदौमोन। धरमजिआ उनाव बुंवावोदि, बिसोरो जेबो बुजिया। अनसाइगिरिफोरा बिसोर साथामनि ज'राखौ फिन खनसेबाव परदायाव नायनो लुबैयो।

'वनवास' सावथुना बक्स अफिसआव मोजां रां आरजिनो हायाखै

2024 माइथायनि 20 डिसेम्बरखालि सिनेमा हलफोरव रिलिज जानाय 'वनवास' सावथुना रिलिजनि उनाव नायगिरिफोरनि गोसोआव जायगा आवग्रिनो हादौ। सल'आ गोदान नडाब्लाबो नाथाय सरसन्ना सुबुंफोरजों लोगोसे गोथौ कानेक्सन जानो हादौ। नायगिरिफोरनो सिनेमाआव बे बायदि रोखोमनि सल'खौ दिन्थिबोगासिनो दं आरो सुबुंफोरबो बे बायदिखौनो जोबोद मोजांबो मोनो। अनिल शर्मानि डायरेक्सनआव बानाय जानाय 'वनवास' सावथुनाबो बे लिस्टआवनो सोरांआव फेदौ। नाना पाटेकार आरो उत्कर्ष शर्मानि स्टारनि 'वनवास' सावथुना मोजां रिभ्यु मोनो हादौ। सावथुनखौ लानाने



सुबुंफोरनि गेजेराव जोबोद एक्साइटेड जादौमोन, मानोना मुंदांखा फावखुं'गुर नाना पाटेकारआ लिड'रलआव दंमोन। सावथुननि मोजां रिभ्युनि जाहोनावबो बक्स अफिसआव बेनि क्रेजिखौ जोबोद खम नुनो मोन्दौ। लासै अपेनि जानायनि उनाव शनिबारनि बिजनेसआ मोजां जायाखै। शुरुबारखालि गिदिर पर्दाआव नुजाथिनाय 'वनवास' सावथुना गिबि

सानाव सिनेमा हलफोरव 73 लाख रानिल' टिकेट फानो हादौ। 'गदर 2' निफ्राय 500 कौटि रां आरजिनो हानाय डायरेक्टर अनिल शर्मानि थाखाय बियो जोबोद लासै जागायनायमोन। अपेनि डेआव मोजां नडमोन, नाथाय आसा खालामदौमोनदि, उइकेन्डआव मोजां बिजनेस खालामगोन। नाथाय बे बायदि जानाय नुवाखै। रिपर्टनि बायदिब्ला वनवासआ

नख'रारि बक्स अफिसआव शनिबार एबा नैथि सानाव खालि 95 लाख रॉल' आरजिनो हादौ। 'पुष्पा 2' आरो 'मुफासा' सावथुना 'वनवास' सावथुनखौ उन फारसे खालामदौ। 5 डिसेम्बरखालि रिलिज जानाय एक्सन थ्रिलार तेलुगु सावथुन 'पुष्पा 2' आ बक्स अफिसआव गोसौसिनाव थादौ आरो 17 थि सानावबो बे सावथुना 25 कौटि रां आरजिदौ। गुबुन फारसेथिं 20 डिसेम्बरखालि नुजाथिनाय मुफासा' सावथुनाबो वनवास सावथुनखौ फेजेन्दौ। हलिउडनि मुफासा सावथुना भारतआव 22 कौटि रानि बिजनेस खालामबाय आरो शनिबारनि फालांगियाव 14 कौटि रांजों लोगोसे दावखोदौमोन।

एपि दिल्ल'नि बाथ्रानि सायाव दिलजित दशान्झआ रिएक्सन होदौ



खालाम आरो उनाव आंजों रायन्त्याय। आं माके'टिनि सोमोन्दे बाथ्रा बुंनो साना, नाथाय सिगां आंखौ आनब्लक खालाम। आं बोसोरथामनिफ्रायनो खामानि मावगासिनो दड। मा नौथाड माब्लाबा आंखौ जेंनायाव गोलैनाय नुफेरदौ नामा? एपि

दिल्ल'नि बे फिनजाथायनि उनाव मिउजिक इन्डस्ट्रीआव देंखोगिरिफोरनि गेजेराव सोमोन्दो गात्रि जानाय खोरड गोसारदौ। बबेखानि दा सिंगारनि बेबादि फिनजाथाय होनायनि सायाव दिलजित दसान्झआ रिएक्सन होदौ। बिथाड इनस्टाग्राम स्टरिआव

एपि दिल्ल'खौ ब्लक कालामनायनि बाथ्राखौ नेवसिगारदौ आरो बुडोदि, बिथाड माब्लाबाबो बिथानिखौ फल'खौनो खालामाखैमोन। बिथानि जेंनाया खालि सरकारजौल' देंखोगिरिफोरजों नडा। दिलजितआ एपि दिल्ल'नि इनस्टाग्राम

प्रफाइलखौ शेयार कालामनाने लिरदौदि, आं नोंखौ माब्लाबाबो ब्लक खालामाखै। आंनि जेंनाया सरकारजोंसो देंखोगिरिफोरजों नडा। दिलजित दशान्झनि फिनजाथायनि उनाव जेराव सुबुंफोरा बिथानिखौ बाखायदौब्ला बेराफासै एपि दिल्ल'खौ टूल खालामगासिनो दड। टूल खालामजानायनि सायाव देंखोगिरिनि रिएक्सन फेदौ। बिथाडा इनस्टाग्राम स्टरीआव लिरदौदि, आं जेबो बुंनो प्लानिं खालामाखैमोन, बेखौ मिथिनानैनो जे बयबो आंखौ खुद्रिगोन नाथाय जों मिथिगौ जे माया सैथो माया सैथो नडा। एपि दिल्ल'नि पस्टआ बेनि फासै इंगित होयोदि, दिलजित दशान्झ आरो बिथानि गेजेराव गासैबो थिकयैनो दड।



मुडानो जादौ-स्काइ फर्स। नायगिरिफोरा गोबाव समनिप्रायनो बे सावथुनखौ

नेनाने दड। सावथुनआ 2025 नि 25 जानुवारिकालि सावथुन नब्लांफोरव रिलीज जागोन।

बलिउडनि खिलाडी कुमारनि शंकर सावथुनआबो 2025 आवनो रिलीज जागोन। बेयाव बिथाड बि टाउननि मुंदांखा फावखुं'गुर अनन्या पान्डेजों जु थायै स्क्रीन शेयार खालामगोन। रिलीज डेटनि बाथ्रा सावरायोब्ला सावथुनआ 14 मार्चआव सावथुन नब्लांफोरव रिलीज जागोन। अक्षय कुमारनि जलि एलएलबि सावथुनखौ बलिउडनि जाफुंसारनाय सावथुनफोरनि लिस्टआव लाफानाय जायो। बेनि

सल'खौबो नायगिरिफोरा जोबोद मोजां मोन्दौ। बबेखानि 10 एप्रिलखालि फावखुं'गुरनि जलि एलएलबि 3 सावथुनआ रिलीज जागोन। 2025 माइथायाव हाउसफुल 5 सावथुनआबो रिलीज जागोन, जेराव अभिषेक बच्चन, सन्जय दत्त, नारा फातेह आरो कृति सेनन मोन बादि फावगिरिफोरखौ नुनो मोनगोन। सावथुनआ 2025 नि 6 जुनआव थियेटरफोरान रिलीज जागोन।

बनरगाव दख 'रा एबसुनि खुंगा 41 थि बोसोरसालिया जथुम्माया खुंफुंजाबाय

बिकास मुसाहारिखौ आफादगिरि आरो बिहुं मसाहारिखौ गाहाइ नेहाथारि महरै सायख 'बाय

बनरगाव, 22 डिसेम्बर: बनरगाव दख 'रा दुलाराय बर' फरायसा आफादनि खुंगा 41 थि बोसोरसालिया जथुम्माया गोर्जोने जोबलांबाय। कक्राझार जिल्लानि सिडव थानाय बनरगावनि जायखलं क्लाब फोथारआव साननैनि मेहेर गोर्ना हाबाफारिनि गेजेरजो खुंफुंजाबाय। बोसोरसालिया जथुम्मानि दिने नैथि सान एबा जोबथा सानखालि फुंबिलिनि हाबाफारिआ जोबनायनि उनाव सानजोफु समाव मोनसे गेवलां मेल खुंफुंजाबाय जायो। दिनेनि बे गेवलां मेलआव गाहाइ आलासि महरै मिरु एबसुनि गाहाइ नेहाथारि खनिन्द्र बसुमतारिआ बाहागो लानानै फरायसा दिथागिरिफोरखौ थांखिनानै सोलंथाइ, समाजखान्थि, रांखान्थि सुबुन्नाथाइ बिबुंथि होनायजो लोमोसे बिटिआर गोरोबथानि मावफुंजाबाय आयदानि सायाव गुवारै रायजो-राजाफोरनो मिबथि होयो। हाबाफारियाव गाहाइ आलासिजो लोमोसे



मिरु एबसुनि हारिमु नेहाथारि सुसिलाल इस्लारि, बेखेवगिरि आलासि महरै कक्राझार जिल्ला एबसुनि गाहाइ नेहाथारि खाम्फा बसुमतारि, लोमोसे कक्राझार जिल्ला एबसुनिफराय निरन्जन बरगायारि लोमो बुंथिगिरि, थुनलाइयारि नेहाथारि हेमन्थ बसुमतारि, मिरु एबसुनि बाराग' बुंथिगिरि जनक उजिर, कक्राझार सान्जा

जनजाति बियाबनि एम. एल.ए. लरेन्स इस्लारि, आरो लोर्गि टिएथार गुपनि दैदेनगिरिफोर, बनरगाव दख 'रा माहारियारि आफादफोर फारियै बनरगाव गुदि बर' थुनलाइ आफादनि दैदेनगिरिफोर, बनरगाव दख 'रा बर' समाज आफादनि दैदेनगिरिफोर, बनरगाव दख 'रा हारिमु आफादनि

दैदेनगिरिफोर, बनरगाव दख 'रा आइजो अन्साइ आफाद दैदेनगिरिफोर, फोरिंगिरिफोर, समाज सिबियारिफोर, दख 'रा एबसुनि बाराग' दैदेनगिरिफोर, गुबुन गुबुन राजखान्थि हान्जानि दैदेनगिरिफोर, राइजो-राजा फरायसाफोरनि बाहागो लानायजो हाबाफारिया गाहामैमो जाफुंसारो। मख 'नाय जायोदि, 21 अक्ट खालि थान्दै मेल खुंनयनि गेजेरजो मोन 11 दालायसा आफादनि थान्दैफोर, मोन 64 गामिनि थान्दैफोर आरो मेलेमजिबि सानसुमैफोरनि प्रोम-प्रोम बाहागो लानायनि गेजेरजो दख 'रा एबसुनि गोजाम मावफुं आफादखौ सिफायनानै गोदानै 2025-26 ई माइथाय मावसमनि मावफुं आफादखौ बरनिबो मददजो आफादगिरि बिकास मुसाहारि आरो गाहाइ नेहाथारि बिहुं मसाहारि बिथांमोनो बिबान होनानै आबुडै दाफुंनानै लानो जायो।

दुलाराय बाथौ गौथुमनि खुंगा 32थि बोसोरारि जथुम्माखौ खुंफुंनो बान्जाय आफादनो बिबान गथायबाय



तामुलपुर, 22 डिसेम्बर: बर 'नि गुदि बाथौ धोरामखौ फोथानाय, फे हेरनाय आरो जौगाहोनायाव मैखोम खामानि मावग्रा दुलाराय बाथौ गौथुमनि खुंगा 32थि बोसोरारि जथुम्माखौ गाजा-गोमजायै खुंफुंनो थाखाय थानाय 14 डिसेम्बरआव बान्जाय आफाद दाना होनाय जादोमोन। दुलाराय बाथौ गौथुमनि खुंगा 32थि बोसोरारि जथुम्माखौ बे बोसोराव गोदानै दाजानाय तामुलपुर जिल्लानि कठालिकुसि बियाबनि दुलाराय बाथौ गौथुमनि सिडव साननैनि मेहेर गोर्ना हाबाफारिजो खुंफुंजाबाय जागोन। बेनि थाखाय दिने कठालिकुसि बियाब दुलाराय बाथौ गौथुमनि बाथौ थानसालिनि लांगोनायाव दुलाराय बाथौ गौथुमनि आफादगिरि शभाराम बसुमतारि आरो गाहाइ नेहाथारि गनेस दैमारिनि नुजाथिनायाव बान्जाय आफादनि बिबानगिरिफोरनो बिबान गथायनाय जायो। आफाद सामलायनायाव तामुलपुर जिल्ला दुलाराय बाथौ गौथुम आरो तामुलपुर जिल्लानि बेन्दोआव थानाय मोनद' बियाब दुलाराय बाथौ गौथुमफोरखौ लाफानानै बान्जाय आफाद दानाय गेवलां मेल जानानै थाडो। बान्जाय आफाद दानाय बे मेलआव तामुलपुर बिधानसभा बियाबनि एमएलए जलेन दैमारिखौ आफादगिरि, मावफुं आफादगिरि महरै अरगेस्वर बसुमतारि, तामुलपुर जिल्ला दुलाराय बाथौ गौथुमनि गाहाइ नेहाथारि धनेस्वर बसुमतारिखौ गाहाइ लिंथुमगिरि महरै बिबान होनानै बान्जाय आफादखौ दानानै लानाय जादोमोन। दिने बिबान गथायनाय हाबाफारिनि गेजेरजो बान्जाय

आफादखौ आबुडैदानानै लानाय जायो। मख 'नो गोनादि, बे जथुमनि गेवलां मेलआवको आसामनि गिबि मन्थि उ हिमन्त बिश्व शर्माखौ गाहाइ आलासि आरो बिटिआरनि गाहाइ मावफुं सोद्रोमा प्रमद बर' बिथांखौ थांखिजानाय आलासि आरो गोर्ना धोरामारि सानथौगिरिफोरखौ आलासि महरै लिंनो थाखाय बिथांखि आजावनाय जायो होना मोनथि होदो दुलाराय बाथौ गौथुमनि गाहाइ नेहाथारि गनेस दैमारिआ। बेजो लोमोसे दुलाराय बाथौनि बान्जायनायाव बायदि बायदि हाबाफारिफोरजो लोमोसे माखासे धोरामारि सावरनायाव हाबाफारिफोर लानाय जागोन। मख 'नो गोनादि, आसामनि गिबि मन्थि उ हिमन्त बिश्व शर्मा बिथानि गाहाइ आलासि महरै नुजाथिनाय बे गेवलां मेलआव 1000 मोसाखाविरफोरनि बर 'नि आंगो बागुरुम्बा मोसानाय दिन्थिफुंजाय जागोन होना फोरमायदो दुलाराय बाथौ गौथुमनि गाहाइ नेहाथारिआ। दिनेनि बे बान्जाय आफादको बिबान गथायनाय मेलआव मिरु बाथौ गौथुमनि आफादगिरि शभाराम बसुमतारि, गाहाइ नेहाथारि गनेस दैमारि, लोमो आफादगिरि मोनाराम बसुमतारि, तामुलपुर जिल्ला दुलाराय बाथौ गौथुमनि आफादगिरि प्रबिन सर्गियारि, लोमो आफादगिरि अरगेस्वर बसुमतारि, गाहाइ नेहाथारि धनेस्वर बसुमतारिजो लोमोसे जिल्ला आरो बियाबनि दैदेनगिरि आरो तामुलपुर ओन्सोलनि समाज सिबियारि मिलन बर' आरो गोर्ना मेलेमजिबिफोरा बाहागो लायो।

सोर्जिलु फाइन आर्टस एन्ड मिउजिक एकाडेमिनि बान्जायनायाव 15 साननि फोरेंथाइ मावबादाया जागायबाय

कक्राझार, 22 डिसेम्बर: कक्राझारनि सोर्जिलु फाइन आर्टस एन्ड मिउजिक एकाडेमिनि बान्जायनायाव 15 साननि थाखाय क्लासिकेल कताक मोसानाय आरो मुसुका दानायनि मावबादाया दिनेनिफराय जागायबाय। बिटिआर सरकारनि रांखान्थि देफाजाबजो सोर्जिलु फाइन आर्टस एन्ड मिउजिक एकाडेमिनि बान्जायनायाव कक्राझारनि मैदेर खर' आव थानाय सोर्ना गोर्जो फरायसालियाव खुंनय बे मावबादाखौ दिने बेखेवनाय जायो। दिने 22 डिसेम्बरनिफराय जागायनाय बे मावबादाया फेगो 5 जानुवारि, 2025 अक्टिसिम 15 साननाडे खुंजागोन। बेसेननाडे बे फोरेंथाइ मावबादाखौ दिने बेखेवगिरि आलासि महरै बाहागो लानानै बेखेवनाय होयो दुलाराय बर' हारिमु आफादनि बोसोनगिरि जगेस्वर ब्रह्म आरो कक्राझार मिउनिचिपाल बर्दिनि मासिगिरि प्रतिभा ब्रह्मआ।



मख 'नाय जायोदि, दिनेनिफराय जागायनाय बे फोरेंथाइ माव बादायाव देखो फोरेंगिरि महरै उ मिजि ब्रह्म आरो सनाजुलि ब्रह्ममोनहा मावबादायाव बाहागो लाफेनाय सोलोसाफोरखौ फोरेंथाइ होगोन। बेबायदिनो मुसुका आखिनारनि फोरेंगिरि महरै उ सबा मिउजिक एन्ड फाइन आर्टस कलेजनि बिबुंगोरा पृथ्वीराज ब्रह्म, सन्जय स्वर्गियारि आरो सुरन्जय मुसाहारिमोनहा फोरेंथाइ होगोन। 15 साननि थाखाय



बे फोरेंथाइ मावबादायाव थाखो 5 निफराय 10 थाखोनि सा 80 नि बांसिन फरायसाफोरा बाहागो लादो। दिनेनि बेखेवनाय हाबाफारियाव आलासि महरै बाहागो लानाय कक्राझार मिउनिचिपालीति बर्दिनि मासिगिरि प्रतिभा ब्रह्मआ बे फोरेंथाइ मावबादायाव बाहागो लानाय सोलोसा एबा फरायसाफोरखौ सोलोथाइ लानायजो लोमोसे मोसानाय, रोजाबनाय बायदिखौ मोनसे बाहागो महरै लाफानांगो होनानै बोसोन होयो।

गौतम चक्रवर्तीआ टपसेम-एएसजेए इन्टार मिडिया चैस सेम्पियनसिपनि बिमुं देरहादो

गुवाहाटी, 22 डिसेम्बर: गुवाहाटी नोगोरमनि सिडव बान्जायजानाय टपसेम-एएसजेए इन्टार मिडिया चैस सेम्पियनसिपआव प्रसार भारतीय गेलेगिरि गौतम चक्रवर्तीआ गोखोडे दिन्थिफुंनो हादो। बिथाडा बे सेम्पियनसिपआव गावनि आदोब खायदाजो नोगोस्मायाव जाफुं सारै जोबलांनाय बे सेम्पियनसिपनि बिमुं खौ देरहाबाय। नर्थ-इस्ट लाइभनि गागि जानालिस्ट वाशबीर हुसेइनआ बे सेम्पियनसिपआव नैथि आरो दा वायारनि गेलेगिरि आर्मानुर रहमानआ थामथि मासिआव जायगा आवग्रिनो



हायो। बे दुर्नामेन्टआव मिडिया हान्जाफोरनि गेजेराव गोखो सेलेन्ज होन्लायनायखौ नुनो मोन्दो। जेराव गासै मोन 10 गुबुन गुबुन मिडिया

आफादफोरनिफराय सा 10 गेलेगिरिफोरा गावसोरनि रांथिजो सेलेन्जआव ओंखारदोमोन। बे समाव बिथांमोनहा गावसोरनि

आफादफोरखौ मुं लाखिनो गोब्राब सेलेन्ज होन्लायदो। बे सेम्पियनसिपनि जोबनाय इभेन्जो इन्टर मिडिया स्पर्टस फेस्टिबलआ मावख 'यारि महरै जोबलांबाय। जेराव बे सेम्पियनसिपनि फोजोबनाय हाबाफारिखौ नोगोरमनि सिडवआव थानाय नेहरु स्टेडियमआव खुंफुंनो थिरंथा लादो।

रुंसारि सन्तष ब्रह्म क्रिकेट लीगआ जागायबाय



बिजनी, 22 डिसेम्बर: चिरां जिल्ला क्रिकेट एस 'सिएशननि बान्जायनायाव ब्रैथि बोसोरारि सन्तष ब्रह्म क्रिकेट लीग 2024-25 आ दिनेनिफराय जागायबाय। बिजनी बिद्यापीठ गोर्जोसिन गेजेरारि फरायसालिनि गेलेग्रा फोथाराव खुंनय बादायलायनायाव बान्जाय आफादनि आफादगिरि अनुपम सरकार आरो चिरां जिल्ला क्रिकेट एस 'सियेसननि मावफुं

आफादगिरि प्रनब बसुमतारिआ फिर्फलाखौ बिर होयो। बादायलायनायखौ आसाम क्रिकेट एस 'सिएशननि बर्ड अफ आम्पायारनि मासिगिरि प्रदीप बरुवाया बेखेवदोमोन। बेखेवनाय हाबाफारियाव बिटिसिनि लेडइ बुंथिगिरि अभिराम महानायक, बिजनीनि एमएलए अजय कुमार राय, एमचिएलए प्रभात बसुमतारि, चिरां जिल्लानि गेलेमु

मावख 'गिरि बिक्रम सिं दैमारी, सिबियारि उ सुबिर कुमार दास आरो गुबुन गुबुन हांखायजानाय आलासिफोरा बाहागो लादोमोन। बेखेवनाय मेचआव मिडिल छतिपुर इन्डाइटेड क्लाबआ(ए) धालिगावनि खोरामदाव क्लाब(ए) खौ 32 रानजो फेजेनदोमोन। गिबियाव बेटि खालामनाय युनाइटेड क्लाबआ थिखानाय 25 अभावरआव गासैबो उक्केट खोमानानै 113 रान बानायदोमोन। फिन्नायाव खोरामदाव क्लाबआ 16 अभावरआव गासैबो उक्केट खोमानानै 81 रान बानायनो हायो। देरहानाय हान्जानि मन्जुर हसनआ प्लेयार अफ दा मेच बान्था मोननो हायो। मख 'नो गोनादि, जिल्लानि सिडव थानाय गासै मोन 16 क्रिकेट हान्जाफोरा बे लीगआव बसुमतारि, चिरां जिल्लानि गेलेमु

आसामनि फुटबल हान्जाया जानो गोनां नेसनेल गेम्सनि थाखाय क्वालिफाइ जाबाय

गुवाहाटी, 22 डिसेम्बर: फेगो बोसोराव उत्तराखन्डआव खुंजानो गोनां नेसनेल गेम्सनि थाखाय आसाम फुटबल हान्जाया क्वालिफाइ जानो हाबाय। अल इन्डिया फुटबल फेडरेशनआ बे गेम्सनि थाखाय गासै मोन 8 हौवाफोरनि हान्जा आरो आइजोफोरनि हान्जाखौ थानाय 2023-24 नि सिजनआव दिन्थिफुंनयखौ



नोजोर लाखिनानै सायख 'दो। हौवाफोरनि क्वालिफाइ जानाय



बादायलायनाय समनि गेजेराव 2-2 गलआव इ गेलेदोमोन। मख 'नाय जायोदि, बे समाव एनएफआरएसएनि हान्जाया सिन्ना नार्जिरिनि 26 मिनिट आरो सौभिक करनि 71 मिनिटआव सोनाय गलजो आवगायदोमोन। नाथाय बेनि उनाव इन्डाइटेड चिरां दुवारि हान्जाया गोखो गोहोजो आवगायफिन्दो। जेराव मेचनि

75 मिनिटआव तिमतति नार्जिरिआ गल सोनायनि उनाव अनुगु नेकेगु जुनियरआ समान स्करिनि गल सोफिनो। नैथ सेमिफाइनलाव प्राइड इस्ट माभेरिक्सनि हान्जाया गोखो डिफेन्सजो एफसि ग्रीन भेलिखौ 5-1 गलआव फेजेनो। जेराव देरहानाय हान्जाया मेचनि गिबि समनिफरायनो दबथायनाय समाव हान्जानि अमित

ठाकुरियाआ 45^२, 72 मिनिट आरो श्रेष्ठ जशिआ 49, 53 मिनिटआव गल सोनायनि अनगायैबो जौन्ला ब्रह्मआ 50 मिनिटआव गल सोदो। बे समाव एफसि ग्रीन भेलिनि जानानै जोबथा बुब्लिआव दिपंकर दासआ 90 मिनिटआव गल सोदोब्लाबो हान्जाखौ जेनानयनिफराय रेखाथि होनायाव फेलें जादो।